


MBEWU YA NTHIMBANIZGO

 Ine ndasankha usikuuno kuwa makani ghafupi waka, panji kuwerenga kuchoko, para Fumu yazomerezga, kupereka kwa ise mutu wa igho, kufuma mu Mateyu Mutuwa 13:24 kufika 30. Ndipo ntheura kweniso ine—ine nkhukhumba kuwerenga kufumira 36 mpaka 40, pa nyengo yichoko waka. Sono Mateyu Mutuwa, chipatulo 13, ndipo kuyambira vesi 24 la chipatulo 13 cha Mateyu Mutuwa. Tegherezani chomene kukuwerenga kwa Mazgu. Mazgu ghane ghazamkutondeka, kweni Ghake ghazamkutondeka chara.

Ntharika yinyake iyo wakawatayira iwo, wakati, Ufumu wa kuchanya ukulinganizgika na munthu uyo wakamija mbuto yiweme mu munda wakhe;

Kweni iyo wachali kugona tulo, murwani wakhe wakiza ndipo wakamija duru pakati pa tirigu, ndipo wakaruta.

Kweni para mpozga ukati wamera, ndipo ukapambika vipambi, ndipera duru nalo ngalikuwoneka.

Ntheura wazga wa mwenenyumba wakiza ndipo wakati kwa iyo, Fumu, kasi imwe mukamija mbuto yiweme chara mu munda winu? ipo kasi duru lafumirankhu?

Ndipo iyo wakanena nawo, Murwani wachita ichi. Ndipo wazga wakati kwa iyo, Kasi imwe mungazomerezga kuti ise tilute... tilichesure ilo?

Kweni iyo wakati, Chara; mzire pa kuchesura duru, imwe muti muzgure tirigu nalo pamoza.

Vilekani vyose ivyo vikulire pakumoza mpaka yize vuna: ndipo mu nyengo ya kuvuna ine ndizamkutumizga wakuvuna, Muwunjike danga pakumoza duru, ndipo mulimange ilo mu zimphundwe kuti mukaliwotche: kweni muwunjike tirigu mu nkhokwe.

² Kasi imwe mwanguwona, “Muwunjike danga duru, ndipo mulikake ilo”? Sono, pakuwerenga ichi, kuka wa chinthu chinyakhe chachilendo chikiza kwa ine apo ine nkhakhala pachanya pa Mapiri gha Catalina usiku unyakhe, mu kuromba. Ntheura ine nkhaghanaghana, kasi ine ningalisangankhu lizgu lakuti ine ndingagwiriska ntchito pa icho ine nakhumbanga kuti ndiyowoye usikuuno?

³ Ndipo ine nkhaluta uko ndipo ine nkhalisanga lizgu la *nthimbanizgo*, ntheura ine nkatora dikishonare ndipo nkhapenja icho lizgu la *nthimbanizgo* likung’anamura. Ndipo

ilo likung'anamura "kumija yiheni," panji—panji, "kuŵa yakususkana," ngati ndiumo Webster wakuyowoyera, "kumija yiheni, yinyakhe yakulekana," panji, "kuŵa yakususkana na iyo yikawapo kale." Ntheura ine nangughanaghana, mutu usikuuno, ine ningauthya uwu: *Mbewu Ya Nthimbanizgo*. Ndipo nkugomezga kuti Yehova watumbikenge Mazgu Ghakhe sono apo ise tikusenderera ku Igħo.

⁴ Ndiposo ise tikumanya kuti Iyo wakatanthauzira, mu vesi 36 na—na kufika 43, umo mbewu iyi yikakhwimira. Ndipo apo ise tichali apa, tiyeni ise tiliwērengē ili naloso, vesi 36 sono kufika 43.

Ndipo para Yesu wakati watumizga mzinda kutali, Iyo wakanjira mu nyumba; ndipo ŵasambiri ŵakhe ŵakiza kwa iyo, ŵakati, Wutibaulizgire ise ntharika ya duru la munda.

Ndipo Iyo wakazgora ndipo wakati kwa iwo, Iyo mweneuyo wakumija mbuto yiweme ndi Mwana wa munthu;

Ndipo munda ndi charu; mbuto yiweme ndi ŵana ŵa ku ufumu; kweni duru ndi ŵana ŵa muheni;

Murwani uyo wakuzimija izo ndi devulu; vuna ndi umaliro wa charu; ndipo ŵakuvuna ndi ŵangelo.

Ntheura nga ndi umo duru likuwunjikikira na kuwotcheka mu moto; ndimo kuzamkuŵira pa umaliro wa charu ichi.

Mwana wa munthu wati watumenge ŵangelo ŵakhe, ndipo iwo ŵati ŵawunjikenge kuwaro kwa ufumu wakhe wose ŵeneawo ŵakukhuŵazga, na ŵeneawo ŵakuchita upuyi;

Ndipo ŵati ŵaponyekenge iwo mu moto, ng'anjo ya moto: ndipo kuzamkuŵa kutengera, panji kulira na kuswa mino.

Ntheura ŵarunji ŵati ŵaŵalenge ngati dazi kufuma mu ufumu wa Wadada ŵawo. Uyo wali na khutu... mulekani iyo wapulike.

⁵ Uyu ndi Yesu wakupereka ching'anamuro cha ntharika, Iyomwene, ipo ise tikumanya icho kutanthauzira kukung'anamura. Ndipo sono apo ise tikusenderera ku ichi, ku kumija uku kwa mbuto na—na kuvuna, sono Iyo wakutanthauzira iyi. Ndipo ntheura ine nkugomezga kuti Yesu wakayowoyanga ntharika iyi mu nyengo Yakhe, kweni wakang'anamuranga iyi kuzakaŵa ku umaliro wa charu, panji, umaliro wa muwiro, uwo ndi zuŵa ili. Ndipo ine nkugomezga makani ghachoko agha usikuuno ngakukwanira chomene mu nyengo iyo ise tikukhalamo, chifukwa Yesu wakayowoya pakweru apa kuti "kuvuna kuzamkuchitika pa umaliro wa charu

ichi,” kuti apo ndipo umaliro uzamkuwako; kuvuna kwa tirigu, ndiposo na kuvuna kwa duru na kuliwotcha ilo, na kutorera tirigu mu Ufumu. Ndipo ine nkugomezga ichi chikaŵa mu nthowa iyi.

⁶ Ndipo Lemba linyakhe likundirongozgera ine kugomezga mu nthowa iyi, ine nachita kulemba apa, ndi Mateyu 24:24, apo ilo likayowoya kuti, kuyowoyanga za—za mpando, mbewu ya nthimbanizgo. Yesu wakati ziŵiri izi zizamkuŵa zakuyana chomene mpaka yingamanya kupuruska Ŵakusoreka usange chikaŵenge chamachitiko. Pafupifupi nkhanira ndendende.

⁷ Malo ghanyakeso mu Malemba apo pali kulembeka, kuti vula yikurokwa pa murunji na muheni.

⁸ Ine nkukumbukira kukumana kwane kwakudanga kuŵa pakati pa ŵanthu ŵa Pentekoste. Ine nkhaŵa ku Mishawaka, Indiana. Ndipo ine nkhaŵa pa ungoro ukuru, holo likuru ngati ili, uko ŵa Kumpoto na ŵa Kumwera ŵakiza pamoza. Chifukwa cha mazuŵa ghara, gha kusankhana mtundu, iwo ŵakayenera kukumana kumtunda kula. Kula kukaŵa magulu ghakuru ghaŵiri gha ŵabale ŵa Pentekoste. Ine nkhaŵa nindapulikepo za iwo nesi kukumana na iwo nakale. Nyengo yakudanga ine nkhapulikapo kuyowoyanga malilime. Ndipo ku umaliro wa mzere, wa ungoro. . . Ine pakuŵa membala chara pakati pawo, ine nkhaŵa waka mupharazgi mwanichi wa Baptist, ine nkakhala kutali uko kunyuma. Ndipo ine nkukumbukira nyengo yakudanga apo ine nkhapulika munthu wakuyowoya malilime, ine ndipera nkhamanya chara kasi—kasi ichi chikaŵa chivichi. Ndipo nthaura ŵanthu ŵaŵiri aŵa, makamaka, ŵakakhala kunthazi, yumoza wakayowoyanga mu malilime ndipo munyakhe wakatanthauziranga icho munthu yura wakayowoya. Enya, mbwenu ine nkhayamba waka kuŵazga Baibolo lane mwakulimbika umo ine ningachitira, kula nthaura, ndipo nthaura nkhasanga kuti chira chikaŵa mu Malemba. Icho nadi ndicho Lemba, icho Mzimu Mutuŵa ungachita.

⁹ Enya, likati lajumphapo zuŵa limoza. . . Usiku ula mtima wane ukakhwaskika chomene. Ine nkhayakagona mu munda wa vingoma. Ine nkhaŵavye ndalama zakukwanira kuti ndijisangire e—e—bedi, nthaura ine nkhaŵa waka na ndalama zakukwanira kuti nkhaŵavye kukaya, ndipo ine nkhaŵavye waka mandazi, ghakagonera mazuŵa ghangapo, panji masikono, ghakaŵa igho, kuŵa chakurya chane chamlenji. Ndipo ine nkhapokerereka kuti ndirye na iwo, kwenu ine nkhaŵavye ndalama zakuti ine ndiŵikemo. Mu mazuŵa agho, ghara ghakaŵa ghaukavu, 1933, nthaura agha ghakaŵa—ghakaŵa ghanonono kukhalamo. Ndipo nthaura ine nkhaŵavye, “Enya, ine nditi. . . ine nkukumbuka chara kurya na iwo, kwenu ine nkukumbuka kumanya icho iwo ŵali nacho. Iwo ŵali na chinyakhe icho ine ndilije.”

¹⁰ Ntheura mlenji ula ine nkhaŵa . . . iwo ŵakandifumba ine, “Ŵapharazgi mose mwize ku gome ndipo mujiphale mwekha, imwe ndimwe njani, uko imwe mwafumira.”

¹¹ Enya, ine—ine nkhayowoya waka kuti, “William Branham, muneni, Jeffersonville,” nkhakhala pasi. Enya, pa nyengo yira ine nkhaŵa mupharazgi mwanichi chomene pa gome. Ndipo zuŵa la chiŵiri iwo ŵakandichemera ine ku gome kuti nkhayowoye. Ndipo ntheura nkhati ndayowoya, chifukwa, ise tikaŵa na nyengo yiweme, ndipo mbwenu ine nkhayamba kukumana na ŵanthu ŵakupambanapambana kundichemeranga ine ku matchalitchi ghawo. Ntheura panyuma pakuti iwo . . .

¹² Pa manyuma pakhe, uli, ine nkhashanaghana, “Usange ine ningamanya waka kufika uko ŵanthu ŵeneko ŵawiri aŵa awo ŵanguyowoya malilime na kutanthauzira!” Icho chikandipwetekanga ine mu mtima wane, ine nkchikhumba chomene icho. Enya, ngati ndiumo ine ndangumuphalirirani imwe pakudanga, chawanangwa icho imwe mukudokera. Imwe mukumanya, vyawanangwa na ntchemo vikwiza kwambula kulapa, imwe mukuŵa navyo umoyo winu wose, wonani, imwe mukubabika navyo, usange ivyo ndi vyawanangwa vya Chiuta. Ntheura ine nyengozose, kufumira ku ubonda, ichi nyengozose chikachitikanga kwa ine, ŵanthu awo ŵakundimanya ine umoyo wane wose, iwo ŵakumanya uwo mbunenesko. Enya, usange ine nkhashanaghana . . . ine nkhamanya chara kasi chira chikaŵa chinthu uli, ndicheme ichi mboniwoni, ine nkhamanya chara kasi icho chikaŵa chivichi. Kweni ine nkhashanaghana, “Usange ine ningamanya kuyowoyeskana nawo iwo!” Enya, ndipo mzimu uwo ukawu mu nyumba yira ukawoneka ngati ndi Mzimu nadi wa Chiuta.

¹³ Ntheura ine—ine nkhaluta kukayowoya na yumoza wa iwo, ndipo ine nkhamufumba iyo mafumbo ghachoko, ndipo iyo wakaŵa nadi Mkhristu wakufikapo. Pakaŵavye nkhaiyiko yiriyose za yura, munthu yura wakaŵa wakugomezga nadi. Ndipo munthu munyakhe, para ine nkhati ndamuyowoyeska iyo, usange ine ndili kukumanapo na mupusikizgi, yura wakaŵa yumoza wa iwo. Munthu yura nadi wakaŵa . . . Muwoli wakhe wakaŵa mwanakazi wasisi lakupepera, ndipo iyo wakababa ŵana mwa . . . ŵana ŵawiri na mwanakazi wamaduna kumaso. Ndipo ine nkhashanaghana, “Enya, sono vichi? Ichi chiri apa, ine nda—ine ndatimbanizgika nkhanira. Ine ndine wachigomezgo chikuru; agha ghakwenera kuŵa Mazgu, panji ichi ntchaunenesko chara. Ndipo apa pali Mzimu ula, yumoza wakachemerezga, kwakulingana na vyose ivyo ine nkhumanya, weneko; ndipo yumoza munyakhe wakaŵa muweme chara napachoko; ndipo Mzimu ukizanga pa wose iwo. Sono, kasi icho chingachitika uli?” Ine nthena, ichi chikandizizika ine.

¹⁴ Virimika viwiri vikati vyajumphapo, ine nkhapempheranga mu mphanji uko ine nkhalutanga kuya kapemphera. Mukachita fuvu mu mphanji, ndipo zuwa linyake kumuhanya ine nkhafumira kuwaro, nkhaŵika Baibolo lane pa chigodo, ndipo mphepo yikalijura Ilo ku Wahebere, chipatulo 6. Apo likayowoya, kuti mu mazuwa gha umaliro, umo ichi chizamkuwira usange ise tingachizukako ku Unenesko na kujiwezgeraso ise taŵene ku ching'anamuka, kukaŵavyeso sembe ya kwananga, ndipo umo kuti minga na nthura, ivyo vikaŵa kufupi na kukanika, ivyo umaliro wakhe ndi kuwotcheka; kweni vura yikurokwa pa charu, kaŵirikaŵiri, kuchithirira ichi, kuchivwarika ichi; kweni minga na nthura vizamkukanika, kweni tirigu wazamkuwunjikika. Ndipo ine nkhanghanaghana, "Enya, ichi changuchitika waka kuti mphepo yanguputa kujura apo." Mbwenu, ine nkhaŵikaso waka Baibolo pasi. Ndipo ine nkhanghanaghana, "Enya, ine sono ndichitenge waka..." Ndipo nthura nga yikwiza mphepo ndipo yikaputa kulijura Ilo. Icho chikachitika katatu. Ndipo ine nkhanghanaghana, "Enya, sono, icho ntchachilendo."

¹⁵ Ndipo nthura apo nkhati ndanyamuka, ndipo nkhanghanaghana, "Fumu, nchifukwa uli Imwe mwangundijurira ine Baibolo kuti ndichiŵerenge chira, ine... para ine ndakhira kufika ku icho, uko 'minga na nthura, ivyo viri pafupi kukanika, ivyo umaliro wakhe ndi kotcheka?'" Ine nkhanghanaghana, "Chifukwa, nadi Imwe mungandijurira ine apo?" Ndipo apo nkhalawiskanga...

¹⁶ Sono, mboniwoni zanadi izi zikwiza kwambura kuchita chinthu chirichose. Uyo ndi Chuta. Mukuwona? Ine nkhalawiska ndipo nkawona charu icho chikazunguliranga uko kunthazi kwa ine, ndipo ine nkchachiwona icho chose chikaŵa charawundi. Kukaŵa munthu wakavwara vituwa, wakayenda kosekose kumijanga tirigu. Ndipo para iyo wakati wamala kuzungulira charu chose; ndipera nga wakwiza munthu, wakawoneka wakofya, iyo wakavwara ghafipa, ndipo iyo wakamijanga mbuto ya duru posepose pa ichi. Izo zose zikamera nyengo yimoza. Ndipo zikati zachita nthura, zose zikakhumba maji, chifukwa vula yikakhumbikanga. Ndipo yiriyose ya izo yikawoneka ngati yikapempheranga, na mutu wakhe uchoko wakusindamira pasi, "Fumu, tumizgani vula, tumizgani vula." Ndipo mabingu ghakuru ghakawoneka, ndipo vula yikarokwa pa zose izi. Para yikati yarokwa, tirigu yura wakadukira muchanya ndipo wakayamba kuyowoya kuti, "Warumbike Yehova! Warumbike Yehova!" Ndipo duru muchoko yura wakadukira muchanya kwenekula ku chigaŵa chimoza, ndipo wakati, "Warumbike Yehova! Warumbike Yehova!"

¹⁷ Ndipo nthura mboniwoni yikatanthauzika. Vula yikurokwa pa murunji na pa muheni. Mzimu wenewula pera ungamanya kufika mu ungamano, ndipo munthu waliyose kukondwera mwa

iwo: wâpusikizgi, Wâkhristu, na wose pamoza. Mbunenesko nadi. Kweni kasi ichi ntchichi? Na vipambi vyawo iwo wâkumanyikwa. Mukuwona? Iyo ndiyo nthowa yekha pera iyo iwo wângamanyikwira.

¹⁸ Ntheura imwe wonani icho sono, pakuti mpunga wakuthengere, panji tirigu wakuthengere na vingoma nyengozinyake vikukozgana na yeneko, mbuto yakuchita kupanda, kukozgana nkhanira mwakuti ichi chingamanya kupuruska Wâkusoreka. Ine nkbugomezga ise tikukhala mu muwiro wa nyengo yiweme, apo vinthu ivi vikwenera kuti vipharazgike na kuyowoya za ivyo.

¹⁹ Wonani mu vesi 41, wose wâwiri nawo wâkukozgana chomene, kukozgana chomene mu mazuwa gha kuumaliro mpaka Iyo wakachita chara...Iyo wakayenera kugomezga pa mpingo unyakhe chara kuti wâwâpatule iwo, kuti, wâ Methodist, panji wâ Baptist, panji Pentekoste, kuti wâwâpatule iwo. Iyo wakati, "Iyo wakituma wângelo wâkhe kuwâpatula iwo." Mungelo wizenge kuzakapereka mphatukano, kupatula pakati pa uweme na uheni. Ndipo palije munthu munyakhe wangachita icho kweni Mungelo wa Fumu. Iyo ndi Mweneuyo watizenge kuzakayowoya icho ntchaunenesko na icho ntchautesi. Chiuta wakati Iyo wazamtuma wângelo Wâkhe pa nyengo zaumaliro. Wângelo kudera *kuno* chara, kweni wângelo pa nyengo za kuumaliro, ndipo wângamanya kuwunganiska pamoza. Ise tikumanya uku nkhwiza kwa nyengo ya kuvuna sono. Sono, *mungelo* chikutanthauzika, "thenga." Ndipo ise tikuwona kuti kuli wângelo seveni ku mipingo seveni, ndipo sono... chara, mu miwiro ya mpingo.

²⁰ Wonani awo Iyo wakati mbakumija, ndiposo icho Mbuto yikaŵa. Chakudanga, wakumija wakaŵa Iyo, Mwana wa Chiuta, uyo wakaluta kuya kamija mbuto. Ndipo murwani wakiza kunyuma kwa Iyo, uyo wakaŵa dyabulosi, ndipo wakamija mbuto ya nthimbanizgo, kunyuma kwa kamija Mbuto yiweme. Sono, wâbwezi, icho chiri kuchitika mu muwiro uliwose kufumira apo ise tikaŵira na charu. Nadi. Nthowa yose iyi kufumira pakudanga, ichi chikayambiska chinthu chimozimozi.

²¹ Sono Iyo wakati, "Mbuto ya Chiuta, Mazgu gha Chiuta." Yesu wakayowoya, pa malo ghanyakhe, wakati "Mazgu ndigho ndi Mbuto." Ndipo mbewu yiriyose yipambikenge kwakuyana na mtundu wakhe. Ndipo sono usange Mukhristu, wâna wa Chiuta, wâna wâ Ufumu wâzgora kuŵa Mbewu ya Chiuta, ntheura iwo wâkwenera kuŵa Mazgu gha Chiuta, Mazgu gha Chiuta ghakuwonekera mu muwiro uwo iwo wâkukhalamo, ku Mbewu yaphangano ya muwiro ula. Chiuta wakapereka Mazgu Ghakhe pakudanga, ndipo muwiro uliwose ukaŵa na Mbewu yakhe, nyengo yakhe, na mapangano ghakhe.

22 Sono, para Nowa wakati wafika pa malo, ndipo iyo wakaŵa Mbewu ya Chiuta, Mazgu gha Chiuta ku muwiro ula.

23 Para Moses wakafika, iyo kuti nthena wakiza na uthenga wa Nowa chara, ichi nthena chikavwira chara, chifukwa iyo wakaŵa Mbewu ya Chiuta pa nyengo yira.

24 Ntheura para Khristu wakiza, Iyo nthena wakiza na muwiro wa Nowa panji wa Moses chara; yira yikaŵa nyengo Yakhe, kuti mwali watore nthumbo ndipo wababe mwana Mwanarumi, ndipo Iyo wati waŵenge Mesiya.

25 Sono, ise tili kujumpha muwiro wa Luther, muwiro wa Wesley (muwiro wa Methodist), kujumpha miwiro yose uko, na muwiro wa Pentekoste, ndipo muwiro uliwose ukupika phangano la Mazgu. Ndipo ŵanthu ŵa muwiro ula, awo ŵakuwoneskera Mazgu gha phangano, ndiwo Mbewu ya muwiro ula, kwakulingana na icho Yesu wakayowoya apa ntheura, “Iwo ndi ŵana ŵa Ufumu.” Uwo mbunenesko. Kuwonekera kwa Mzimu Mutuŵa kuteweta mu ŵana Ŵakhe ndiwo Mbewu izo za Ufumu mu muwiro uwo.

26 Wonani, duru ndilo likaŵa, murwani, Satana, uyo wakamija yiheni, panji—panji mbewu ya nthimbanizgo, iyo ndiyo wakaŵa wakususkika pakuchita chinthu chakofya ichi. Satana wakamija mbewu yakhe kufumira ku mtendeko, apo Chiuta wakaŵika vuna Yakhe yakudanga ya ŵanthu pa charu cha pasi. Adamu, enya tikumanya, apo iyo wakaŵa wandamanye kuti kukaŵa e—e kumanya kwa unenesko, na kwa uweme na uheni, ndipo iyo wakaŵa wachali wandafikeko ku icho pa nyengo yira.

27 Kweni ise tikusanga kuti, Chiuta wakapereka ku ŵana Ŵakhe Mazgu Ghakhe kuŵa Chivikiriro chawo. . . . Ise tilije Chivikiriro chinyakhe padera pa Mazgu gha Chiuta. Icho ndicho Chivikiriro chithu. Kulije mabomba, nyumba, malo ghakubisamamo, kulije ŵina Arizona panji ŵina California, panji kwali uko kungaŵankhu; kuli Chivikiriro chimoza pera icho ise tiri nacho, ndipo ichi ndi Mazgu. Ndipo Mazgu ghakazgoka thupi ndipo ghakakhala pamoza nase, uyo ndi Khristu Yesu, Iyo ndiyo yekha Chivikiriro chithu pera. Pakuŵa mwa Iyo, ise tiri ŵakuvikiririka.

28 Nanga ndi tchimo likuŵerengekera chara ku wakugomezga mweneke. Kasi imwe mukachimanyanga icho? Uyo ngwakubabika na Chiuta, wakuchita kwananga chara, iyo wangananga chara. Mukuwona? Ichi chikuŵerengeka chara. Chifukwa, Davide wakati, “Wakutumbikika ndi munthu mweneuyo Chiuta wamuŵerengerenge kwananga chara.” Para imwe muli mwa Khristu, imwe mukuŵavye khumbiro lakuchita kwananga. “Wakusopa, para watozgeka, wakuŵavye khumbiro lakuchita kwananga,” imwe mukukhumbira chara ichi. Sono, ku charu, imwe mungaŵa wakwananga; kweni, kwa Chiuta, imwe ndimwe chara, chifukwa imwe muli mwa Khristu. Kasi imwe

mungaŵa uli mu wakwananga apo imwe muli mwa Yumoza wambura kwananga, ndipo Chiuta wakuwona yekha pera Iyo Mweneuyo imwe mwakhalamo?

²⁹ Sono nyengo yavuna iyi. Pakudanga, para Chiuta wakamija Mbewu Yakhe pa charu na kuyipereka iyi ku mitima ya ŵana Ŵakhe, banja Lakhe, kuti lisungirire Mazgu agho, icho chikaŵa chivikiriro chawo chekha pera, kusungirira Mazgu ghara! Apa wakiza murwani mkati ndipo wakapyora chakutetezera chira, pakuchita kumija mbewu ya nthimbanizgo, yakususkana na Mazgu gha Chiuta. Usange iyo yikaŵa nthimbanizgo kufuma ku mtendeko, iyi yichali. Chinthu chirichose icho chizamkusazgirako kanthu kalikose ku Mazgu gha Chiuta, iyi yichali mbewu ya nthimbanizgo! Ine nkhopwerera chara uko iyo yafumira, usange iyo yafumira ku bungwe, usange iyo yafumira ku nkhangono yausirikali, usange iyi yafumira ku ndyare, chinthu chirichose icho chikususkana na Mazgu gha Chiuta, ndi mbewu ya nthimbanizgo.

³⁰ Para munthu wayimirira ndipo wakuti iyo ndi mupharazgi wa Ivangeli, ndipo wakuyowoya kuti “mazuŵa gha minthondwe ghali kujumpha,” iyo ndi mbewu ya nthimbanizgo. Para munthu wayimirira ndipo iyo wakuti iyo ndi mupharazgi, mliska wa mpingo kumalo ghanyakhe, ndipo iyo wakugomezga chara kuti Yesu Khristu ndi mweneyura pera mu kayowoyero kalikose (kupatulako thupi lanyama), mweneyura mayiro, muhanyauno, na muyirayira, iyo ndi mbewu ya nthimbanizgo. Para iyo wakuti “mithondwe na muwiro wa ŵapostole vili kujumpha,” iyo ndi mbewu ya nthimbanizgo. Para iwo ŵakuti, “Kuliye chantheura ichi ngati machirisko Ghauzimu,” iyo ndi mbewu ya nthimbanizgo. Ndipo charu chazura na iyi. Iyo yikuyandana ndipo yikufyorongaliska tirigu.

³¹ Ise tikuwona kuti wakwamba kumija mbewu ya nthimbanizgo wakathyika “dyabulosi,” ndipo ise tikumanya mukaŵa, mu Genesis 1. Sono tikusanga kuti, ndipo na kudera kuno mu—mu Bukhu la Mateyu, chipatulo 13, Yesu wachali kuthya nthimbanizgo yiriyose ku Mazgu Ghakhe ngati ndi “dyabulosi.” Ndipo 1956 uyu, chinthu chirichose icho chikumija nthimbanizgo, kususkana na Mazgu ghakulembeka gha Chiuta, panji ŵakuŵika kutanthauzira kwachilendo kulikose ku Ichi, ndi mbewu ya nthimbanizgo. Chiuta wayichindikenge chara iyo. Iyo wangachita chara. Iyi yingasazgikana chara. Iyi nadi yingachita chara. Iyo yiri ngati ndi njere ya sinapi; iyi yingasazgikana chara na yinyakhe yiriyose, imwe mungayikwatiska chara na zinyake, iyi yikwenera kuŵa chinthu cheneko nkhanira. Mbewu ya nthimbanizgo!

³² Sono ise tikusanga, para Chiuta wakamija Mbewu Yakhe mu Munda wa Eden, ise tikusanga kuti iyi yikababa Abel. Kweni para Satana wakamija mbewu yakhe ya nthimbanizgo, iyi yikababa Kayini. Yimoza yikababa yumoza murunji;

yimoza yikababa yumoza muheni. Chifukwa chakuti Eva wakategherezga ku lizgu la nthimbanizgo, lakususkana na Mazgu gha Chiuta, ndipo iyi yikayambiska bola la kwananga kuyamba kukunkhuluka penepapo ntheura, ndipo lakunkhuluka kufuma papo kale. Ndipo ise tizamkuyiwuskapo yose chara mpaka wangelo wafike na kuzakapatulanya chinthu, ndipo Chiuta wakutorera wana Wakhe ku Ufumu, ndipo duru lizamkuwotcheka. Wonani mpheska ziwiri izo.

³³ Usange ise tikaŵenge waka na nyengo yitali pa chisambizgo ichi, kweni kuti tiyowoye waka fundo zikuruzikuru, mwakuti ise tingaluta mu kupempherera warwari mu maminiti ghachoko ghakwiza.

³⁴ Wonani, mbewu zawo zikakulira pamoza ngati ndiumo Chiuta wakayowoyera apa mu chipatulo 13, cha makani ghithu usikuuno, cha Mateyu, “Zilekani izo zikulire pamoza.” Sono, Kayini wakaluta ku charu cha Nod, wakajisangira iyoyekha mwanakazi, ndipo wakatora; ndipo Abel wakakomeka, ndipo Chiuta wakawuska Seti kuti watore malo ghake. Ndipo mphapu zikayamba kulutiriranga, pakati pa uweme na uheni. Sono, ise tikuwona kuti wakawungana, waliyose yumozayumoza wa iwo, nyengo na nyengo, ndipo Chiuta wakayenera ku...Iyi yikanangika chomene mpaka Chiuta wakayenera kuyiphwasula iyi.

³⁵ Kweni izo paumaliro zikakula zikakhwima, mbewu ya nthimbanizgo na Mbewu ya Chiuta, zikarongora mitu yawo yeneko, ndipo icho chikamalira mwa Yuda Iskariote na mwa Yesu Khristu. Pakuti, Iyo wakaŵa Mbewu ya Chiuta, Iyo wakaŵa jando la chilengiwa cha Chiuta, Iyo wakaŵa chinyakhe chara kuchepera pa kuŵa Chiuta. Ndipo Yuda Iskariote wakababika mwana wa pharaniko, wakafumira ku gehena, wakawerera ku gehena. Yesu Khristu wakaŵa Mwana wa Chiuta, Mazgu gha Chiuta ghakuwonekera. Yuda Iskariote, mu utimbanizgi wakhe, wakaŵa mbewu ya dyabulosi, wakiza ku charu, na kuti wapuruske; ngati ndiumo iyo wakaŵira pakudanga, Kayini, dada wakhe wakudanga.

³⁶ Yuda wakaseŵeranga waka mu tchalitchi. Iyo wakaŵa wakugomezgeka kweneko chara. Iyo wakaŵa na chipulikano chara; iyo nthena wakamuyendera mphiska Yesu chara. Kweni, wonani, iyo wakamija mbewu yira ya nthimbanizgo. Iyo wakaghanaghana kuti iyo wapangenge wabwezi na charu, chuma chaukazuzi, ndiposo kuŵa pa ubwezi na Yesu, kweni nyengo yikamumalira chomene kuti iyo wachite chirichose za ichi. Para nyengo ya kufwa yikati yafika, para iyo wakachita chinthu chiheni ichi, iyo wakajumphu mzere wakupatula pakati pa kuluta kunthazi na kuwerera kunyuma. Iyo wakayenera kulutirira mu nthowa iyo wakayandangamo, ngati mupuruski. Iyo wakamija mbewu ya nthimbanizgo, iyo wakayezga kuti wasange chinthemwa na mabungwe ghakuzirwa gha nyengo

yira na Wafarisi, na Wasaduki. Ndipo iyo wakaghanaghana kuti wangamanya kusangapo ndalama za iyomwene, ndipo wangaŵa wakutchuka pakati pa ŵanthu. Usange icho ntha chikupangiska ŵanthu ŵanandi kuti ŵanjire mu nthimbanizgo, kuyezga kuti ŵasange chinthemwa na munthu! Tiyeni ise tisange kutemwereka na Chiuta, na munthu chara. Kweni ichi ndicho Yuda wakachita para nthimbanizgo izi zikanjira mu mutu mwakhe.

³⁷ Ndipo ise tikumanya kuti Yesu wakaŵa Mazgu, Yohane Mutuŵa 1, wakati, “Mu mtendeko mukaŵa Mazgu, ndipo Mazgu ghakaŵa na Chiuta, ndipo Mazgu wakaŵa Chiuta. Ndipo Mazgu ghakazgoka thupi ndipo ghakakhala kuno pakati pithu.” Ntheura, Mazgu ndi Mbewu, ntheura Mbewu yikazgoka thupi ndipo yikakhala pamoza nase.

³⁸ Usange Yuda wakaŵa mbewu ya murwani ndiposo ya nthimbanizgo, iyi nayo yikazgoka thupi ndipo yikakhala pamoza nase mu thupi la Yuda Iskariote. Iyo ntha wakaŵa nacho cheneko, chipulikano cheneko. Iyo wakaŵa na icho iyo *wakaghanaghana* kuti chikaŵa chipulikano. Chiriko chinthu ngati nkhuŵa na chipulikano; na chipulikano cha kujipangiska-kugomezga.

³⁹ Ndipo chipulikano cheneko cha Chiuta chigomezgenge mwa Chiuta, ndipo Chiuta ndi Mazgu, ichi chizamkusazgirako kalikose chara ku Ichi. Baibolo likutiphallira ise kuti usange ise tikusazgako lizgu limoza, panji kuwuskako Lizgu limoza, gawo lithu lizamkuwuskikako ku Buku la Umoyo, Chivumbuzi 22:18, chipatulo chakujarira chaumaliro.

⁴⁰ Mu mtendeko wakudanga, Bukhu lakudanga la Baibolo, Chiuta wakaŵaphalira iwo kuti ŵaleke kuphwanya nanga ndi Lizgu limoza la Icho, “Lizgu lirilose likwenera kusungika,” iwo ŵakayenera kukhalira Lizgu lira. Yesu, pakatikati pa Bukhu, wakiza ndipo wakayowoya icho mu muwiro Wakhe, ndipo wakati, “Munthu wakhalenge na chingwa pera chara, kweni na Lizgu lose ilo—ilo likufuma mu mlomo wa Chiuta.” Ndipo mu muwiro wakujarira wa Chivumbuzi, chikaphalirikirathu kwa ise, kuti, “Uyoyose wazamukuwuskako Lizgu limoza kufuma ku Bukhu, panji kusazgirako lizgu limoza ku Ilo, gawo lakhe lizamkuwuskikako ku Bukhu la Umoyo.”

⁴¹ Ipo kungaŵa kanthu kakufipirwa chara, ghakufikapo waka, Mazgu gha Chiuta ghambura kusazgikana! Awo ndi ŵana ŵanarumi ŵa Chiuta, ŵana ŵanakazi ŵa Chiuta, awo kuti ŵakababika na khumbiro la munthu chara, panji pakuchita kukorana chasa, panji mtundu unyakhe wa ubapatizo; kweni kubabika mu Mzimu wa Chiuta, na Mzimu Mutuŵa, ndipo Mazgu kujiwoneskera Ighoghene mwa iwo. Iyo ndi Mbewu yeneko ya Chiuta!

42 Murwani wakujoyina tchalitchi ndipo wakuzgoka wakugomezga mu chisambizgo panji chinthu chinyakhe. Kweni icho ndicho ntha. . . Uwo ndi utimbanizgi, chinthu chirichose icho chikutimbanizgana na nkhangono yira ya Unenesko weneko wa Mazgu gha Chiuta.

43 Ndipo kasi ise tikumanya uli? Ise tikuti, “Enya, iwo, imwe muli nagho mazaza kulitanthauzira Ilo?” Chara, bwana! Kulije munthu wali na mazaza kuti watanthauzire Mazgu gha Chiuta. Iyo ndi wakujitanthauzira Iyomwene. Iyo wakulayizga ichi, nthaura Iyo wakuchita ichi, uko ndiko kutanthauzira kwakhe. Para Iyo walayizga Ichi, nthaura Iyo wakukwaniriska Ichi, uko ndiko kutanthauzira kwa Ichi. Chinthu chirichose chakususkana na Mazgu gha Chiuta ndi nthimbanizgo! Nadi!

44 Sono, ngati ndiumo ine nanguyowoyera, Yuda wakaŵavye chipulikano cheneko. Iyo wakaŵa na chipulikano chakuchita-kupanga. Iyo wakaŵa na—na chipulikano icho iyo wakaghanaghana kuti yura wakaŵa Mwana wa Chiuta, kweni iyo wakamanya chara kuti yura wakaŵa Mwana wa Chiuta. Iyo nthena wakachita chara chira. Ndipo munthu uyo wazamkulekerera pa Mazgu agha gha Chiuta pakuŵa Unenesko, iyo wali na chipulikano chakuchita-kupanga. Muzga mweneko wa Chiuta wazamkudemera ku Mazgu agha.

45 Mausiku ghachoko ghajumphu, mupharazgi munyakhe, wa ku Arizona, kufumira ku yikuru, sukulu yakutchuka mu msumba uwu, wakiza kwa ine ndipo wakati, “Ine—ine nkikhumba kuti ndikunyorore iwe pa chinthu chinyakhe” (ine nkhati. . .) “para iwe ungasungana mwaŵi.”

Ine nkhati, “Uwu ndiwo mwaŵi uweme chomene uwo ine nkhumanya. Zanga kudera kuno.”

46 Ndipo nthaura iyo wakiza kula, iyo wakati, “Mr. Branham, imwe mukuyezga. . . Ine nkugomezga imwe muli wakugomezgeka ndipo ndimwe ŵaneneska, kweni imwe mukuyezga kupereka ku charu chisambizgo cha Ŵapostole.” Ndipo wakati, “Muwiro wa ŵapostole ukamala na ŵapostole.”

47 Ine nkhati, “Chinthu chakudanga icho ine nkikhumba kukufumba iwe, m’bale wane, kasi iwe ukugomezga kuti Lizgu lililose la Chiuta ndakukhuŵirizgika?”

Iyo wakati, “Enya, bwana, ine nkugomezga nadi.”

48 Ine nkhati, “Nthaura, kasi iwe ungandirongora ine mu Mazgu apo muwiro wa ŵapostole ukamalira? Sono, iwe undirongole ine apo ichi chiri, ine ndikugomezgeke iwe.” Ndipo ine nkhati, “Mlembi wa upostole, uyo wakaŵa na makiyi gha ku Ufumu, pa zuŵa la Pentekoste apo muwiro wa upostole ukayambira, iwo ŵakati, ‘Mwaŵanyithu na ŵabale, kasi ise tichite vichi kuti tiponoskeke?’ Iyo wakati, ‘Rapani, waliyose wa imwe, ndipo mubapatizike mu Zina la Yesu Khristu, kuti zakwananga zinu zigowokereke, ndipo muti mupokere

chawanangwa cha Mzimu Mutuŵa, pakuti phangano liri kwa imwe na ku ŵana ŵinu, na ku awo ŵali kutali, nanga ndi wose awo Fumu Chiuta withu wati wajichemere.’ Sono, kasi Mazgu ghangajisuska uli Ighoghekha?”

Munthu yura wakati, “Ine nkhopulika kuzizira kwakofya usikuuno.”

Ine nkhati, “Ine nkughanaghana nthaura, naneso.” Mukuwona?

⁴⁹ Sono imwe mundiphalire ine, kasi Chiuta wachali kuchema? Usange Chiuta wachali kuchema, ipo muwiro wa ŵapostole uchalipo. Nadi! Wose awo Fumu Chiuta withu wati wachemenge, awo wakuchema, awo wazamkuchema, wose awo Iyo wazamkuchema, uwu uzamkuŵa ndithu muwiro wa ŵapostole, pakuti Yesu Khristu ndi mweneuyo mayiro, muhanyauno, na muyirayira.

⁵⁰ Sono, ise tikusanga muhanyauno kuti nthimbanizgo iyi yakhala yikumijika mu muwiro uliwose. Usange ichi chikaŵenge chamachitiko kuti tichitore ichi pa maminiti teni panji fifitini, ine mbwenu ningachita ichi, kweni imwe mungachita chara. Kufumira mu miwiro yose...Ise tose tiri, pafupifupi tose ŵa ise tikuŵerenga Baibolo. Ndipo sono para Yesu wakati wiza, ndipo Iyo wakayisanga nthimbanizgo yira, yakususkana. Iyo wakaŵa Mazgu ghakuwonekera, Iyo wakaŵa kutanthauzika kwa Chiuta kwa Mazgu, chifukwa Iyo wakati, “Sandani Malemba, pakuti mwa Igho imwe mukughanaghana kuti muli na Umoyo Wamuyirayira, ndipo ndi igho ghakundichitira ukaboni Ine.” Apo imwe mukuwona. Iyo—Iyo wakaŵa kutanthauzira kwa Mazgu. Ndipo mwana mwanarumi yose uyo ngwakubabikaso na mwana mwanakazi wa Chiuta wa Muwiro uwu ndi kutanthauzika kwa Mazgu. Imwe ndimwe makalata ghakulembeka, ghakuŵazgika na ŵanthu wose. Enya.

⁵¹ Wonani, Iyo wakati, “Iwo ŵakundisopa Ine pawaka, kusambizganga nthimbanizgo ngati Ntchisambizgo. Pawaka iwo ŵakundisopa Ine, kusambizga chisambizgo cha nthimbanizgo, chisambizgo cha munthu, chipulikano cha munthu, kusambizganga chira kuŵa Mazgu gha Chiuta, apo icho chilije kanthu kalikose na Mazgu gha Chiuta.”

⁵² Wonani, muwiro uliwose ukubaba mbewu yantheura, muwiro uliwose ukachita ichi, ndipo withu nawo ungagwentha chara. Ise tiri chinthu chakuyana waka, ndipo muwiro ukuru chomene wa ichi kuruska miwiro yinyakhe yose kuyisazga pamoza, pakuti uwu ndi umaliro wa mbiri ya charu. Iyi ndi nthimbanizgo yikuru iyo yiri kuŵako ku charu, yiri pa charu chapasi muhanyauno. Nthimbanizgo mu miwiro yinyakhe yikaŵaguzira iwo kutali kufuma ku muneneska na Chiuta wamoyo, kuruta ku vikozgo. Muhanyauno, Yesu wakayowoya

mu Mateyu 24:24 kuti iyi yizamkuŵa yakukozgana chomene, mwakuti yingamanya kupuruska na Ŵakusoreka wuwo usange chikaŵenge chamachitiko. Kuyowoya za nthimbanizgo! O, iyi njiryarya chomene. Satana wali pakati pa ŵanthu, ndipo ngwakumanya waka vyauchiuta, ngati ndi Dokotala wa Vyauzimu, wangamanya kusambizga Mazgu agha makora chomene. Yesu wakayowoya nthaura. Kweni imwe mulaŵiskani waka iyo, kuzamkuŵako kunyakhe. Wakati, “Enya, sono, icho chikaŵa cha ichi chara.” O, enya, ichi ndicho, nachoso, wonani, chifukwa Chiuta wakayowoya kuti ichi chikaŵako.

⁵³ Wonani icho ichi chikachita. Nthimbanizgo zenezira zikiziska ukali wa Chiuta mu mazuŵa gha Nowa, apo Chiuta wakatuma muprofeti Wakhe kula ndipo wakapharazga ngati moto wa lupya, wakachema ŵanthu kuti ŵarape, ndipo nthimbanizgo yikamara. Ntheura kasi Satana wakachita vichi? Wakiza kunyuma, mwa Ham, ndipo wakayambaso kuyimija yira. Uwo mbunenesko nadi.

⁵⁴ Ntheura wakiza Moses, muprofeti mukuru, kuti wazakatore ŵana ŵa Israyeli kufuma ku mapopa. Kasi kukachitikachi? Moses, muprofeti mukuru wa Chiuta, kuŵayeghera iwo Unenesko weneko, Unenesko wakukhozgeka. Iyo wakakumana na Chiuta. Chiuta wakakhozgera kuti iyo wakakumana na Iyo. Ndipo umo ŵanthu ŵara kunyuma kula, ŵasofi ŵara, ndipo iwo ŵakaŵa na kusopa kwawo, midauko yawo, miyambo yawo na chirichose, kweni Moses wakayima ngati ndi wakukhozgeka wa kutanthauzika kwa Mazgu. Kuruwa chara icho! Moses wakaŵa kutanthauzika kwa mapangano Ghakhe. Iyo wakayowoya kuti wazamkuchita ichi; iyo wakaŵa kutanthauzika kwa Chiuta.

⁵⁵ Kasi kukachitikachi? Mpingo ukayamba waka kufumamo mu Egupto, pa marundi ghakhe mazuŵa ghachoko, ndipo kasi kukachitikachi? Satana wakiza na nthimbanizgo yakhe mwa munthu, Kayini wachiŵiri, uyo wakaŵa Balaam, ndipo iyo wakamija nthimbanizgo pakati pawo. Ise tikumanya uwo mbunenesko. Balaam yura, chisambizgo cha Balaam, chakuti “ise tose tili ŵamoza, ise tikumutewetera Chiuta uyo imwe mukutewetera,” mwachigomezgo, iyo wakaneneskanga, chifukwa iyo wakapereka sembe iyo Chiuta wakapereka; mberere seveni, nkhabako seveni pa maguwa seveni, ndipo wakapemphera kwa Chiuta mweneyura mwakufikapo ngati ndiumo Moses wakachitira kula ku mapopa, nadi mwakuyana waka. Kweni iwo ŵakaŵa ŵakuyana chara! Kutilongora ise muzgenge za icho chizamkuchitika. Kukaŵa, nkhuwerezgapo, Kayini kuwonekera mwa—mwa munthu Balaam. Ndipo kula kukaŵa Chiuta kuwonekera mwa munthu Moses, kutanthauzira Mazgu Ghake kwizira mwa munthu, kujipanga Iyomwene kumanyikwa, phangano Lakhe, kwizira mwa munthu. Ndipo nthimbanizgo yikayambika.

56 Ntheura ichi chikachitika mu nyengo ya Yuda, uko iyo wakiza na nthimbanizgo yakhe.

57 Ndipo, kumbukirani, kwananga uku uko wanthu awo wakagomezga, kwakuti “ise ndise wamoza, ise tose tikusopa Chiuta yumoza, ise tose tikwenera kuwa na mpingo umoza, ise tikwenera kuwa wanthu wamoza,” kwananga uku kukagowokereka kwa Israyeli chara! Yesu wakayowoya, Iyomwene, “Iwo wose wali kufwa!”

58 Iwo wakamala, wose kweni watatu wa iwo. Ndipo awo ndi weneawo wakakoreska na kugomezga phangano. Para wakufoka wakati, “Ise tingachitora chara charu, ndipo ichi ntchinonono kwa ise,” na vinyakhe ntheura; Kaleb na Joshua waka wakhazikiska chete wanthu, ndipo wakati, “Ise ndise wakukwana kwakuruska kuti tichitore ichi, chifukwa Chiuta wakatilayizgira ichi kwa ise! Ine nkhopwerera chara icho wakusuka wali!”

59 Ndipo ise tingamanya ndithu kupharazga za machirisko Ghauzimu, na ubapatizo wa Mzimu Mutuwa, ndipo nakuwa ndithu na nkhangono ya Chiuta yakutipatura ise kufuma ku vinthu vya charu. Chiuta wakayowoya ntheura! Muwiro wa wapostole undamalepo, ndipo iwo uzamkumala chara, iwo ukulutirira.

60 Ntheura, ise tikumusanga mweneyura mumiji wakale wa nthimbanizgo. Ndipo kumbukirani, kwananga kula kukagowokereka chara. Sono, m'bale, usange uku kukagowokereka chara kale, kasi kuwenge uli sono apo e—mbewu yeneko ya miwiro yose yikwiza pamoza?

61 Wonani chinthu chikuru ichi icho Balaam wakachita, icho chikalutilira na kulutirira, ndipo paumaliro ichi chikamalira mu kwiza kwa—kwa Yuda Iskariyote, na Yesu. Kasi chika wa chivichi? Yuda na Yesu waka wa ndendende chilinganizgo cha Kayini na Abel. Pakuti, umo Yuda waka wira msopisopi, ntheura Kayini waka wa msopisopi. Kayini wakazenga guwa, iyo wakapereka sembe, iyo wakamsopa Chiuta, iyo waka wa waka wakufikapo mwa ichi ngati ndiumo munyakhe waka wira. Kweni, imwe wonani, iyo waka wavye uvumbuzi wa icho Mazgu ghaka wa. Iyo wakaghanaghana kuti Adamu na Eva wakarya maapulo ghanyakhe panji chipaso chinyakhe. Ndipo Kayini... Abel, mwa uvumbuzi, wakamanya chira chika wa chiheni; zika wa ndopa izo zika wafumiska iwo, ndipo iyo wakapereka mwanamberere. Ndipo Chiuta wakayowoya kuti sembe yakhe yika wa yiweme. Ntheura iyo wakazula na sanje ndipo wakayezga kuti wamukome munung'una wakhe. Ndipo umo iyo wakakomera munung'una wakhe pa guwa lenelira apo sembe yakhe yikafwira, mwanamberere wakafwira pa guwa, ntheura ndimo Yuda Iskariyote wakamwendera mphiska Yesu Khristu pa guwa la Chiuta, ndipo wakamukoma Iyo ngati

ndiumo Kayini wakakomera Abel. Chifukwa, Kayini wakaŵa mbewu ya nthimbanizgo.

⁶² Ndipo ndimo wakaŵira Balaam, muprofeti wakugulika, munthu uyo wakayenera kumanya makora. Ndipo Chiuta wakumuchenjezga iyo kwizira mu vimanyikwiro na vyakuziziswa, ndipo nanga ndi mbunda kuyowoya mu chiyowoyero chachilendo, ndipouli iyo wakalutirira ndipera. Iyo wakababika kuŵa mu—mu miji wa nthimbanizgo.

⁶³ Ndipo usange Yesu wakaroskera muwiro uwu uzamkumalira mu nthimbanizgo yikuru iyo yikaŵa yindaŵeko, muwiro wa mpingo wa Laodikeya, wakufunda, uwo ukamuŵika Iyo kuwaro kwa mpingo, kasi ichi chingaŵa uli chinthu kweni nthimbanizgo! Nadi, ndiyo iyi. Iyi yikumalira mu muwiro uwu.

Ndipo wakaŵaso Kayini na Abel pa Mphinjika.

⁶⁴ Sono wonani, umo kukaŵira, penepapo Yesu wakati waluta waka, wakaluta wakanjira Kuchanya, Mzimu Mutuŵa ukatumika kunyuma. Yira yikaŵa Mbewu, wakupereka-Umoyo ku Mazgu, ngati ndiumo tikayowoyera usiku wamala. Ndi Mweneuyo wakusisipuska Mazgu. *Kusisipuska* chikung'anamura “kwiza na Umoyo.” Mzimu Mutuŵa weneko ukusisipuskira ku Umoyo Lizgu ilo Uwu uli. Uwu ukusisipuskira chipulikano ku Umoyo chara, Uwu ungachita chara, chifukwa Uwu ulije nacho ntchito chipulikano. Ndi Umoyo wa Mazgu gha Chiuta, pakuti Uwu ndi Chiuta. Mukuwona? Ndipo Uwu ukusisipuska Thupi ilo.

⁶⁵ Sono wonani, umo iwo ŵakachitira. Ntheura, ndipo Baibolo likayowoya, ndipo—ndipo Yohane wakayowoya ku ŵana ŵakhe wakati, “Mwa twana, imwe muli kupulika za uchikanakhristu uwo ukayenera kwiza mu charu,” wakati, “uwo uli kale mu charu, ndipo uwu ukuteŵeta mu ŵana ŵambula kupulikira.” Sono, icho chikachitika kale pafupifupi virimika sate panyuma pakwiza kwa Mzimu Mutuŵa. Ise tikusanga, para Mzimu Mutuŵa ukati wafika, Mbewu yeneko, Wakupereka-Umoyo mweneko ku Mbewu, mbwenu apa yikwizaso nthimbanizgo yira kachiŵiri. Ndipo wonani, iyo yikarutirira. Icho chikaŵa . . .

⁶⁶ Mazgu gheneko ghakakhozgeka, iwo ŵaprofeti ŵakale ŵakakhozgera Mazgu gha Chiuta kuŵa Unenesko apo iwo ŵakayendanga. Usange munyakhe wali kuŵerengapo za Mphara ya Nicaea, panyakhe pambere yindaŵeko Mphara ya Nicaea, mazuŵa ghara ffitini gha ndyale zakukomana, apo gulu la Ŵaroma kudera kula likakhumbanga kuti liyambishe na kupanga bungwe kufumira mu mpingo ula. Ŵaprofeti ŵakiza, ŵakavwara vikumba vya mberere, ŵakaryanga mphangwe, ndipo ŵakaghayimira Mazgu ghara! Kweni kasi ichi chikachita vichi? Ichi chikayenera kuŵa ngati Kayini, ichi chikayenera kuŵa ngati Abel, yumoza wakayenera kuti wafwe. Nadidi, ichi chikachitika. Ndipo Mazgu ghakataya chikoka Chakhe pakati

pa wanthu, ndipo wose wakazomerezgana kuwuskapo Mazgu ghaneneska ndipo wakanjizgamo visambizgo vya nthimbanizgo vya mpingo wakudanga wa Katolika. Iwo wakasazgirako papa, iwo wakasazgirako bishop, iwo wakasazgako *ichi, icho*, na *chinyakhe*. Iwo wakawuskapo ching'anamuro cheneko cha Petros na cha—cha—cha Mariya, na—na vinyakhe vyose vya ichi; ndipo wakapanga vikozgo, ndipo wakapanga chinthu chinyakhe chara kweni mwambo wachikunja kufuma ku icho wakuchema chisopo wamba Chaukristu. Kasi ichi chikaŵa chivichi? Mbewu ya nthimbanizgo! Ndipo wakapanga bungwe, wakapanga bungwe, kakuyamba pa charu cha pasi, mpingo. Kasi chikaŵa chivichi? Mbewu yira ya nthimbanizgo iyo yikayamba kumijika, chinthu chinyakhe chikasazgikako, kuwuskikako.

⁶⁷ Ndinjani wali kupulikapo, mu Baibolo, tileke kurya nyama pa Chinkhonde? Ndinjani wali kupulikapo, mu Baibolo, kuwazgirana maji m'malo mwa kubapatiza, kubizga? Ndinjani wali kupulikapo vinthu ivyo, “Monire, Mariya” panji chinthu chinyakhe? Ndinjani wali kupulikapo vinyakhe vya ichi chakuvunda ukazuzi wa aŵa Waprotestant, nawoso? Poto wangaphalira chara ketulo kuti uli na vimafuta. Mbunenesko! Mbweni, kususkika waka pa kachokovi ndiko kuti mwasuskika pa vyose! Ndinjani wali kupulikapo kuti Chiuta wakuteŵeta na bungwe? Ndirongorani ine nyengo yimoza kuti umoza ukapanga bungwe ndipo ukakhilirira wamoyo. Iwo wakafwira penepapo, ndipo nthaura wakawukaso chara! Ndi nyengo yakuti chinthu chinyakhe chichitike, iyi ndi nyengo yakuti Chiuta wachite. Ichi chikakoma chikoka pakati pa wanthu.

⁶⁸ Chinthu chantheura pera chachitika muhanyauno. Iwo wakukoma chikoka, wakuti, “O, gulu ilo la watuŵa wakukunkhuluka, kulije kalikose kwa iwo.” Ndipo, chifukwa, ndi nthimbanizgo! Mukumane na Mazgu maso na maso ndipo muwone icho Igho ghali, muwone usange Chiuta wakumasulira Yekha Mazgu Ghake. Chiuta ngwamagomezgeko ku malibwe agha kuwuska ŵana kwa Abraham. Amen.

⁶⁹ Mazgu ghakhozgereka makora chomene na iwo Wakristu wakale, umo Chiuta wakaŵawombolera iwo kufumira ku chinthu chirichose, na matenda, ndipo iwo wakaŵa na waprofeti, ndipo iwo wakayowoya mu malilime, wakatanthauzira, ndipo wakapereka mauthenga agho ghali kukhozgeka nkhanira kuŵa unenesko nyengo zose. Kweni panthazi pa Mazgu ghose ghara ghakukhozgeka, wanthu wakaghakana Igho, ndipo wakasankha bungwe. Uyo ndi nyina wa mabungwe ghose.

⁷⁰ Zose zakhwima mwakukwana sono. Izo zikayambaso kupanga mbuto apaso. Iyi yikafwa, kweni iyi yikawukaso mu mazuŵa gha Luther, ngati ndiumo ise tikumanyira kufumira mu uthenga wakudanga muno mlenji uno pa chakurya cha mlenji. Iyi yikaphuka mu nyengo ya Luther. Sono kasi iwo wakachita

vichi? Mwaluŵiro wakati wafwa munthu wakuzirwa yura, iwo ŵakapanga bungwe.

⁷¹ Iyi yikaphuka. Ndiposo mu mazuŵa gha John Wesley, para iwo ŵa Anglican, pamoza na mauvikiriri ghawo ghamuyirayira na chirichose chikamangirira ichi mu malo umo pafupifupi waliyose wakaŵamo, ndipo kasi kukachitikachi? Chiuta wakawuska munthu wakuthyika John Wesley, ndipo wakaparanya chinthu chose. Ndipo para iyo wakati wafwa, iyo na Asbury na iwo, kasi kukachitika vichi? Iwo ŵakapanga bungwe, ndipo sono imwe muli na mitundu yose ya Methodist. Ntheura nga wakwiza yumoza na munyakhe, Alexander Campbell, John Smith, na ŵanyakhe.

⁷² Paumaliro, nga ŵakwiza ŵa Pentekoste, kufumira ku yose iyi. Kasi kukachitikachi ntheura? Iwo ŵakayendeska makora chomene, kasi chikamujandizgani ntchichi imwe? Imwe mukawereraso mu mathipa mwenemumo imwe mukafuma, nkhanira mu mathope gheneghara, ŵakawereraso ku nthimbanizgo na kuti ŵapange mabungwe, imwe makachita kulekerera pa Mazgu. Ndipo nyengo yiriyose para Chiuta watumizga chinthu chinyakhe chiphya, imwe mukachipokereranga chara ichi. Uwo mbunenesko! Nthimbanizgo apaso! Ndipo, wonani, ngati ndiumo ine nkhayowoyera zuŵa linyakhe, kuti chikantha chichoko chakudanga chira icho chikuwoneka kufuma ku msisi uwu, chikwiza ku mahamba mpaka na kukwerera muchanya mu mphunga, ntheura chikuwereraso mu muthibiri, ndipo chikuwonekera kuwaro. Chikantha chichoko chira cha tirigu chikuwoneka ngati ndi njere yeneko, ndipo ise tikaghanaghana kuti yikaŵa iyo, kweni para imwe mwayijura iyo, mula mukuŵavye njere yiriyose. Ichi ndi chakukhozgera waka cha njere kuti yimereremo, ndipo ichi chikufwa nacho, ndipo umoyo ukufuma mwa icho ndipo ukunjira mu njere. Wonani, ntheura iwo ŵakuyichema mipingo iyo yikamija . . .

⁷³ Ise tikusanga muhanyauno yithu iyi iyo yikuti ndi mipingo, nanga ndi ku Ŵapentekoste ŵithu, ise tikafumako, ise tikakhutiskika chara, ise tikapanga magulu ghithu na ghithu. Chirichose chikayambika, ise tikayenera kuŵa na *ichi*, ise tikayenera kuŵa na *ichi*, ise tikayenera kuŵa na gulu linyakhe. Ndipo munthu uyu wakawuka, wakati, “Iyo watizenge pa bingu lituŵa.” Munyakhe wakuti, “U-nhu, Iyo watizenge pa hachi yituŵa.” “Viri makora, ise titipangenge magulu ghaŵiri.” Wonani, kasi ntchivichi ichi? Kumija nthimbanizgo! Para Iyo wakwiza, kwali ichi ntchichi, Iyo wazamkutanthauzira Mazgu Ghakhe para Iyo wakwiza. Tiyeni tilindizge mpaka nyengo yira. Chikorani . . . Kuyowoya za icho, imwe mukuwupulika chara Uthenga wa zuŵa ili. Nyengo zose kulongoranga ku ivyo Chiuta wazamkuchita, panji ivyo Iyo wali kuchita, ndipo mukuzerezza

ivyo Iyo wakuchita. Iyi ndiyo nthowa umo ise tikujisangira nthimbanizgo mu ichi.

⁷⁴ Sono ise tikuwona kuti muhanyauno mipingo yithu, yose—yose yamija ku mphepo, ndipo iwo wakuvuna kavuluvulu. Ise tilije maungano gha mapemphero, ise tilije mauteŵeti agho ise tikaŵanga nagho. Kasi chasuzga ntchichi? Ise tagwerura mphiringizgo tazomerezga chirichose kunjira. Wonani, nanga nkhu mipingo yithu ya Pentekoste, yazura na ŵanakazi ŵanandi wakudumula-sisi. Icho kale chikazomerezekanga chara. Nkhope zakupenta, kuphaka polishi munjoŵe, mitundu yose ya ivi; sangani munthu kuno uyo wali na...ngati Marickies na ŵanyakhe; ŵatengwapo katatu panji kanayi, ndipo madikoni; o, nthimbanizgo yamtundu uli! Uwu mbukazuzi! Kasi iwo wakuchita uli ichi? Chiuta wakaŵa nacho chara ichi mu Mpingo Wakhe, iwo wakwenerera kuluta ku bungwe kuti wakachite ichi. Munyake wali na mantha kuyowoyako za ichi, chifukwa iwo ŵangasezgeka mu bungwe. Chiuta, mutipase ise ŵanthu awo mbakugumatizgika na chinthu chinyakhe chara kweni na Chiuta na Mazgu Ghakhe, awo ŵazamkuyowoya Unenesko za ichi. Icho ndicho ise tikukhumba nadi. Kasi ise tachita vichi? Tamija nthimbanizgo. Ise tamijira mu mphepo, ndipo sono tikuvuna kavuluvulu.

⁷⁵ Wonani kuti iwo sono wakuwunjikika pamoza kuti wakawotcheke. Kasi imwe mukawona, Yesu wakati, “Chakudanga, viwunjikani ivyo pamoza, mumange zimphundwe, ndipo nthoura muŵike mphundwe zose mu wulu umoza, ndipo Ine ndizamkuziwotcha izo.” Pali mphundwe yichoko yakuthyika Methodist, Baptist, Prezibetere, Lutheran, iwo wose wakuwungana pamoza mu Wupu wa Mipingo ya Charu. Kasi ichi ntchivichi? “Liwunjikani danga ilo!” Haleluya! Kasi imwe mukamanyanga, Iyo wakuwunjika danga duru, kulifumyako ilo ku tirigu, kulipatula ilo, “Liwunjikani ilo pamoza na kuliwotcha ilo.” Iwo wose wakwenera kuwotcheke na vyeruzgo vya Chiuta, chifukwa chakumija nthimbanizgo pakati pa ŵanthu, vinthu ivyo iwo...Wakuŵa na mawonekero ghauchiuta, kweni wakukana Nkhongono yakhe, kughakana Mazgu, kukoreska waka miyambo ya usopisopi, ya chisambizgo chinyakhe icho munyakhe wakanjizgamo, kuyezga kuŵikamo Mazgu gha Chiuta. Ichi chichitenge kanthu chara. Iyi ndi nthimbanizgo.

⁷⁶ Ine nkhuchemerezga muhanyauno, ngati ndiumo kukaŵira, muprofeti mukuru wa nyengo yakale, Amos, para iyo wakati wafika mu msumba ula, wakati, “Ine ndine muprofeti chara, nesi mwana wa muprofeti. Kweni usange nkhamu yikubangula, ndinjani wangaleka kuŵa na mantha!” Iyo wakati, “Para Chiuta wakuwoyoya, ndinjani wangaleka kweni kuchima.” Iyo wakaroskera za cheruzgo pa mphapu ya fuko lira,

wakati, “Chiuta mweneuyo imwe mukuti mukumuteŵetera wazamkumuparanyani imwe.”

⁷⁷ Imwe torani ichi, ichi chiri pa tepi, ndipo imwe kumbukirani. Chiuta mweneuyo imwe muku...Wanthu aŵa sono awo ŵakupanga vuna yikuru yose iyi ya—ya Wupu wa Mipingo ya Charu, ndipo imwe mukwenera kuti munjire mu ichi. Imwe mungakhala chara kuwaro kwa ichi. Imwe panji pa mwekha mwamkufumamo mu ichi, panji imwe mukuluta kukanjira mu ichi. Uko kwamkuŵa malo gha pakatikati chara. Ili lizamkuŵa lusimbo lwa chikoko. Kulije munthu wangamanya kugula panji kuguliska, kupatulako uyo wali na lusimbo lwa chikoko, panji wali na nthimbanizgo. Sono, khalani kuwaro kwa ichi! Fumanimo mu ichi! Chichimbirani ichi! Khalani kutali na ichi! Chiuta uyo iwo ŵakuti ŵakumuteŵetera wazamkuŵapweteka iwo. Chiuta mukuru wa chitemwa uyo ntha...

Wakati, “Enya, Yesu wakaromba kuti ise tose tiŵe yumoza.”

⁷⁸ Ntheura Iyo wakati, “Kasi imwe mungayenda uli pamoza, ŵaŵiri kuyenda pamoza, kwambula kuti iwo ŵapulikana?” Iyo wakati “yumoza,” ngati ndiumo Iyo na Wiske ŵaliri Yumoza. Ndipo Wiske wakaŵa Mazgu, ndipo Iyo wakaŵa Mazgu ghakuwonekera. Iyo wakaŵa “Yumoza” na Wiske, chifukwa Iyo wakaŵa kuwonekera kwa Mazgu ghangangano gha Chiuta. Ndipo ntheura ndimo kuliri muhanyauno, panji zuŵa linyake lirilose. Enya, bwana. Chiuta ndi Yumoza. Iyo wakukhumba ise kuti tiŵe yumoza.

⁷⁹ Kasi *ichi* chingaŵa uli chimoza, *uyu* yumoza wakukana kubabika mwa mwali, ndipo *uyu* ntha, wakukana machirisko Ghauzimu, na *ichi*, *icho*, wose ŵa iwo mu ukazuzi wangati uwo? Wanyakhe ŵa iwo ŵakugomezga chara nanga ndi mwa Chiuta, ŵakugomezga Iyo wakaŵa Mwana wa Chiuta; ŵakugomezga Iyo wakaŵa mwana wa Yosefe, *wakathyika* Mwana wa Chiuta. Nadi. M’bale wamaphaska munyakhe kwa ŵa Lutheran, ŵa Zwingli, wakugomezga icho, kuti Iyo wakaŵa waka munthu muweme nkhanira. Chikristu cha Sayansi chikati Iyo wakaŵa muprofeti, munthu wamba ntheura, Iyo wakaŵa Wauzimu chara. Chifukwa, usange Iyo wakaŵa Wauzimu chara, Iyo ndi mupuruski mukuru chomene mweneuyo charu chilikuŵapo nayo. Iyo wakaŵa Chiuta panji wakaŵa kanthu chara. Iyo wakaŵa Wauzimu! Iyo wakaŵa Chiuta, Iyomwene, wakazgoka thupi pakati pithu, mu munthu Mwana wa Chiuta. Nadi, ichi ndicho Iyo wakaŵa.

⁸⁰ Sono ise tikuwona nthimbanizgo yanjira. Ise tikumanya kuti iyi yiri pano, palije uyo wangakana ichi. O, mwe! Wonani waka. Iyo wazamkuphwanya gulu ilo likuyowoya kuti likumuteŵetera Chiuta. Imwe muchiwone ichi.

⁸¹ Chiuta wakapanda mbewu Yakhe. Ine nkhumalizga, chifukwa nyengo yakuti tiyambe mapemphero gha pamzere.

Chiuta wakapanda Mbewu Yakhe, ndipo Mbewu Yakhe ndi Khristu. Ine ndizamkupharazga pa icho mu usiku ukwiza, uko Chiuta wakasankha kuŵika Zina Lakhe, para Fumu yazomerezga, panji pa nyengo yimoza pa chakurya chamlenji apo ine ndizamkuŵa na nyengo yinandiko. Wonani, Iyo ndi Nthowa Yekha pera yakuphokweramo. Iyo ndiyo yekha pera Mulamuliri muneneska. Iyo ndiyo yekha pera Chiuta muneneska, kulije munyakhe padera pa Iyo. “Ine ndine Chiuta, ndipo Chiuta ndekha,” Iyo wakayowoya. Yesu wakati, “Ili ndilo dango: Tegherezgani imwe, O Israyeli, Ine ndine Yehova Chiuta winu, Chiuta yumoza pera. Ine ndine Iyo. Kasi ntchifukwa uli imwe mukupenja munyakhe? Munyakhe wati wizenge. . . Ine nkhwiza mu Zina la Ŵadada Ŵane, ndipo imwe mukundipokerera Ine chara. Kweni munyakhe wati wizenge mu zina la iyoyekha, ndipo iyo imwe muzamkumupokerera.” Ndipo iwo ŵakachita ichi pa Nicaea.

“Kasi iwe ndiwe Mukhristu?”

“Ndine wa Baptist.”

“Kasi iwe ndiwe Mukhristu?”

“Ndine wa Pentekoste.”

“Kasi iwe ndiwe Mukhristu?”

“Ndine wa Methodist,” zina linyakhe.

⁸² Kweni para ichi chafika ku Zina lira la “Yesu Khristu,” iwo ŵakuyenda waka kutali kwa Ilo umo iwo ŵangachitira, iwo ŵakukhumba chara kalikose kakuchita na Ili, pakuti Iyo ndi Mazgu ndipo Mazgu ghakujiphara Ighoghekha. Wonani, Nthowa yimoza pera yakupulumukiramo! Iyo ndi Luŵa Liswesi la ku Sharon, Baibolo likayowoya kuti Iyo wakaŵa. Udindo uliwose (mu Baibolo) wa Chiuta ngwa Yesu Khristu. Iyo wakaŵa Alfa, Omega, Wakudanga na Waumaliro; Iyo mweneuyo Wakaŵako, mweneuyo Waliko, ndipo Wati Wafikenge; Lukorozi na Mphapu ya Davide, vyose Lukorozi na Mphapu ya Davide; Nyenyezi ya mlenji, Luŵa Liswesi la ku Sharon, Luŵa Zoto la Mudambo, Alfa, Omega, Dada, Mwana, Mzimu Mutuŵa, vyose mwa Yesu Khristu! Iyo wakaŵa kuwonekera kwathunthu kwa Yehova Chiuta kuzgoka thupi kuti wakhale pamoza nase. Ichi ndicho nadi icho Iyo wakaŵa.

⁸³ Iyo wakaŵa Luŵa liswesi la ku Sharon. Kasi iwo ŵakachita vichi na Luŵa la ku Sharon? Iwo ŵakalikamata Ilo, kulithuzura Ilo, kuti ŵatoreko mafuta ghakununkhira mwa Ilo. Luŵa liswesi lichoko likayenera kuti likamatike kuti ŵatoremo mafuta ghakununkhira kufuma mu luŵa. Ndipo ula ukaŵa Umoyo wakatowa, kula kukaŵavye umoyo ukaŵako wangati Ula, kweni Uwu ukayenera kuti ukamike para pa Mphinjika.

⁸⁴ Wonani, iwo ŵakatora u—u uphakazgi wa Luŵa la ku Sharon ndipo ŵakaŵika uwu pa Aaron, iyo wakayenera

kuphakazgika na ula kuti iyo wakalute mkati pamaso pa Yehova mu malo ghatuŵa, mu chidiko chituŵa. Iyo wakayenera kuphakazgika na Luŵa la ku Sharon, kuti walute kuyakanjira na kukawazgira mpando wa lusungu chirimika chirichose. Ndipo kuphakazga kula kukayenera kuŵikika pa iyo, fungo-lakununkhira makora kwa Yehova, kunyamula ndopa za mwanamberere panthazi pakhe, panyuma pakuti iyo nayo wawazgikira kale na mwanamberere. Madaza na mabelu kuzingirizga malaya ghakhe, iyo wakayenera kuyenda mwa sitepu yinyakhe, kulizganga “mutuŵa, mutuŵa, mutuŵa kwa Yehova.”

⁸⁵ Wonani, Iyo ndi Luŵa Liswesi lira la ku Sharon, Fungo-lakununkhira makora lira, Kuphakazgika pa ŵanthu Ŵakhe. Imwe mungafika chara pa maso pa Iyo na chipulikano chinyakhe, chinthu chirichose chinyakhe, kweni kuphakazgika na Luŵa Liswesi lira la ku Sharon, Mazgu. Iyo ndiyoso Luŵa la Mudambo.

⁸⁶ Sono, kasi imwe mukupanga uli opiyamu? Imwe mukupanga opiyamu para imwe mwatora luŵa zoto na kulikamata ilo, imwe mukusanga opiyamu. Madokotala ghakumugwiriska ntchito uyu umo mulaborotare. Torani munthu uyo ngwamantha ndipo watimbanizgika, panji mwanakazi, iyo wakuwona ngati iyo wafunthege, iyo wakwenda ndipo wakulira, iyo wali muutimbanizgi, dokotala watorenge opiyamu wakhe pachoko wa luŵa na kumulasa iyo pa woko lakhe panji musempa pamalo ghanyakhe, panji wakhe, ndipo iwo ŵakukhala chete. Uyu wakwenderera palipose kanyengo kachoko. Kweni malinga opiyamu yura wamara waka, iwo mbwenu ŵakuyambiraso, uheni kuruska umo iwo ŵanguŵira.

⁸⁷ Kweni ine nkhumuphalirani imwe, ŵabwezi, icho ndi chithuzithuzi waka cha Opiyamu mweneke kufumira ku Luŵazoto la Mudambo ilo ine nkhumanya. Iyo ndi Luŵazoto la Mudambo. Iyo wakakamika pa Mphinjika. Iyo wakatimbika chifukwa cha zakwananga zithu, na nthimbo Zakhe ise tikachizgika. Mwa ichi, kukamika kula kwa maluŵa, Iyo wakaŵa Luŵa. Iyo wakaŵa Luŵa lakuzirwa chomene ilo likaŵako, likaŵa Luŵazoto ili la Mudambo, Luŵa likuru Liswesi ili la ku Sharon. Sono Iyo wakulendera usikuezo, kulendera pakatikati pa Kuchanya na pasi, ine nkhumugomezga, kuti Iyo wakaŵa nyengo yira, mphanyiko, kuti—kuti wawuskepo kwananga pa charu na kuti wawezgerepo machirisko pa charu. Ndipo Baibolo likati Iyo ndi mweneyura mayiro, muhanyauno, na muyirayira.

⁸⁸ Mubwezi, para Chiuta wakaphalira Moses, mu mapopa, icho chikaŵa chi—chi chithuzithuzi cha Iyo, kuti wakwezge muchanya njoka ya mkuŵa. Ndipo mkuŵa ukuyimirira kwananga kweruzgika, serepente wakuyimirira, *njoka yamkuŵa* yikuyimirira “kwananga kweruzgika kale.” Umo, *mkuŵa* ndi

“cheruzgo Chauzimu,” ngati ndi majotchero ghamkuŵa apo ŵakagonekangapo sembe. Ndipo Eliya nayo wakalaŵiska kuchanya ndipo iyo wakati mitambo yikaŵa ngati mkuŵa, cheruzgo Chauzimu pa mtundu wambula kugomezga uwo ukawerera nyuma kufuma kwa Chiuta. Mkuŵa ukuyimira cheruzgo, cheruzgo Chauzimu. Ndipo njoka yikayimira kwananga kweruzgika kale; ndipo Yesu wakaŵa njoka yira kuzgoka kwananga kwa ise, ndipo wakatorera vyeruzgo vya Chiuta pa Iyomwene. Iyo wakalasika chifukwa cha kwananga kwithu, wakapwetekeka chifukwa cha mauheni ghithu, kulanga kwakutitorera ise mtende kukaŵa pa Iyo, ndipo na nthimbo Zakhe ise tili kuchizgika.

⁸⁹ O, Chiuta wali na kabati Yakhe yakuzula na Opiyamu, usikuuno, ya imwe. Mubwezi Wachikristu, iwe uli murwari ndipo ukusuzgika. O, imwe mwavuka, ichi ntchinonono chomene kwa imwe. Imwe mwatondeka kupirira nacho nyengo yitali, imwe mu—imwe mu muyalukenge mu nyengo yasono iyo ise tikukhalamo.

⁹⁰ Kasi imwe mwangupulika *Life Line* usikuuno, icho ŵati iwo ŵakayowoya, kuti—kuti Russia wakuti, mu ’55, iwo, “nadi ŵazamkutola ulamuliro wose wa charu?” Pambere icho chichali chindachitike, Mkwaturo ukwenera kwiza. Ntheura chili kufupi uli ichi, mubwezi? Ichi chili pafupi nkhanira sono apa ntheura.

⁹¹ Kasi imwe mumupenjenge chara Iyo usikuuno na mtima winu wose? Iyo ndi Luŵazoto la Mudambo, ndipo Iyo ndi mweneyura mayiro, muhanyauno, na muyirayira. Iyo wali muno usikuuno kuti wajikwezge Iyomwene pakati pa ŵanthu Ŵakhe, ngati ndiumo Moses wakakwezgera chi—chi chimanyikwiro cha kwananga, chayeruzgika. Ndipo kwananga pera chara, kweniso urwari. Kumbukirani, Yesu wakati, “Ngati ndiumo Moses wakakwezgera njoka ya mkuŵa, ntheura ndimo Mwana wa munthu wakwenera kukwezgekerera muchanya.” Kasi ntchifukwa uli Moses wakayikwezga muchanya iyi? Chifukwa cha kwananga, kuleka kugomezga, na chifukwa cha urwari. Yesu wakakwezgeka, nayoso, chifukwa cha kwananga, urwari, na kuleka kugomezga. Iyo wakaŵa mweneyura.

⁹² Sono, usikuuno, mu mazuŵa agha apo ise tiri na nthimbanizgo yikuru iyi, Yesu Khristu wakalayizga mwa Luka, kuti mu mazuŵa gha . . . pambere Fumu yichali yindafike, kuti kuŵenge ngati ndiumo kukaŵira mu mazuŵa gha Sodom, ndipo para Mwana wa munthu wazamkujivumbula Iyomwene, ngati ndiumo Mwana wa munthu wakajivumbulira Iyomwene kwa Abraham kusika kula; Elohim, Chiuta, wakazgoka thupi pakati pa ŵanthu, ndipo wakakhala kwenekula na Abraham ndipo wakamuwoneska iyo, wakamuphalira iyo icho Sarah wakaghanaghananga (wakakhala kunyuma Kwakhe) mu hema, ilo Iyo wakaŵa wandaliwonopo. Wakamuphalira iyo icho iyo . . . Ndipo wakamuchema zina “Sarah.” “Abraham,” ntha lakhe—

ntha zina lakhe Abram, Iyo wakayamba na, kweni Abraham. Ntha Sarai; S-a-r-i; kweni S-a-r-a-h, “Kasi walinkhu muwoli wako, Sarah?”

Wakati, “Iyo wali mu hema kunyuma Kwinu.”

⁹³ Wakati, “Ine ndizamkumuyenderani imwe kwakulingana na nyengo ya umoyo.” Ndipo iyo wakaseka. Iyo wakati, “Kasi ntchichi iyo wanguseka?”

⁹⁴ Sono, Yesu wakati, “Pambere nthimbanizgo iyi yindawunjikike pamoza na kuwotcheka, Mwana wa munthu wati wajivumbulenge Iyomwene mu kaŵiro ngati ndiumo Iyo wakachitira kale.” Ndipo ichi. . . Kasi ichi ntchichi? Uku ndi kukwezekaso, kupya, pamaso pinu, kuti Yesu Khristu ndi mwenyura mayiro, muhanyauno na muyirayira. Kasi imwe mukugomezga ichi? Tiyeni ise tisandamiske mitu yithu nthaura kuti tipemphere.

⁹⁵ Chiuta wakutemweka, ise tikumutemwani Imwe. Mazgu Ghinu nadi ndi—ndi Chakurya-chakukwanira kwa ise, Fumu. Ise tikughatemwa waka Ighe! Ise tikukhalira umoyo Ighe, Fumu. Ichi chikuwoneka ngati kuti njala yithu yikukhutiskika chara. Ise tikukondwera waka kuwungana pa thebulo Linu, pa Mazgu Ghinu, na kukondwerera na vitumbiko, Fumu, para ise tikwiza pamoza mwantheura, ŵabale na ŵadumbu awo ŵali kugulika na—Ndopa za Mwana wa Chiuta, Uyo ndi chakugura cha Ndopa Zinu. Ndipo ise tikwiza kuno usikuuno, Fumu, ise tapereka mausiku agha kuti tipempherere ŵarwari. Ndipo kwakulingana na Malemba, Imwe mukayowoya kuti “na vitimbo ise tikachizgika.” Ipo ntchakwenerera chara kuti tipempherere (tizomere waka kwananga kwithu), pakuti na vitimbo Vyinu ise tika (kunyengo yakale) tikachizgika. O, zuŵa uli la chiponosko! Kasi ndi—kasi ndi phangano uli la Emmanuel! Kutu Uwu nadi Mbunenesko.

⁹⁶ Imwe mukati, “Mu kanyengo kachoko, ndipo charu chizamkundiwona Ine chara, kweni imwe muzamkundiwona Ine, pakuti Ine” (zina lakuyimira munthu yumoza la “Ine”) “Ine ndizamkuŵa na imwe, nanga ndi mwa imwe, kufika ku umaliro wa charu.” Ndipo pa umaliro wa nyengo, umaliro ukuru uwu, Imwe mukati, pambere icho chichali chindachitike, ichi chizamkuŵa chakuyana waka ngati ndi pambere moto ukaŵa undafike mu Sodom ndipo ukawotcha charu cha Ŵamitundu, kuti kuzamkwizaso uvumbuzi wa Mwana wa munthu ngati ndiumo kukaŵira ku Sodom. Ŵadada, nkhuromba kuti ŵanthu ŵaleke kuphonya ichi.

⁹⁷ Ndipo ine nkhuromba, Chiuta, ngati ndi chinthu chichoko chambura kuwoneka makora, (usange ine nanguyowoya uheni, munigowokere ine), nkhlutirira kuromba. Ine nkhuŵatemŵa iwo, Fumu. Ine—ine nkhuromba kuti iwo ŵaleke kuchiphonya ichi. Zomerezgani uwu uŵe umoza wa

mausiku ghakuzirwa, Fumu. Mphanyi murwari waliyose, wukusuzgika, wachibulumutira, waliyose uyo wali muno, Fumu, wachizgike usikuuno. Mphanyi wakwananga waliyose wanguponoskeka. Mukati mu mitima yawo sono, usange iwo mbambula kugomezga, ndipo mphanyi iwo wamuzomere Khristu pa nyengo iyi. Perekani ichi, Wadada. Vyose ivi viri mu mawoko Ghinu. Tikujipereka ise kwa Imwe, kuti tiwone Imwe mukwiza pakati pithu.

⁹⁸ Ndipo Imwe mukayowoya, mwa Yohane Mutuwa 14:12, “Uyo wakupulikana na Ine, milimo iyo Ine nkuchita nayo wazamkuchita.” Umo ise tikumanyira kuti Imwe mukajipangiska Imwemwekha kumanyikwa ku wanthu, pakuti Imwe mukaŵa Muprofeti uyo Moses wakayowoya kuti wazamkuwuka. Iwo wakaŵavye waprofeti kwa virimika mahandiredi, nthimbanizgo yikaŵa pa woko lililose, kweni ndipouli Mazgu gha Chiuta ghakayenera kuti ghafiskike; nthoura Mazgu ghakazgoka thupi, ndipo nthoura nthimbanizgo nayo chimozimozi. Ndipo, Wadada, ise tikuchiwonaso ichi muhanyauno, nthimbanizgo yikuzgoka mphundwe yimoza yikuru; ndipo ise tikughawona Mazgu ghakwiza mu nthowa yeneyira. Titumbikeni ise usikuuno, Wadada. Ise tikujipereka taŵene kwa Imwe, na Mazgu Ghinu. Chirichose Imwe mukukhumba kuti ise tichite, chitani nase, Fumu. Mu Zina la Yesu. Amen.

⁹⁹ [M’dumbu wakuyowoya mu lilime linyakhe. Pa tepi palije mazgu—Munozgi.] Ise tikuchimanya chara icho Iyo wanguyowoya. Iyo panji wakhumbanga kutiphalira ise chinthu chinyake, nthoura imwe khalani waka mwantchindi zose pa nyengo yichoko. [Pa tepi palije mazgu. M’bale wakupereka kutanthauzira—Munozgi.]

¹⁰⁰ Amen. Kasi imwe mukaŵazgapo [Pa tepi palije mazgu—Munozgi.] Lemba apo murwani wakizanga, ndipo iwo wose wakawungana pamoza, ndipo iwo... murwani wakaŵa nkhangono yikuru yira. Ndipo Mzimu wa Chiuta ukiza pa munthu, ndipo ukumuphalira iyo, ndipo iyo wakachima, ndipo ukaŵaphalira kwakuti warute na kukalindizga, ndipo iwo wakamukoma murwani wawo. Apo icho chikwizaso. Ghaliko malo uko imwe mungamukomere murwani winu, wonani, torani woko la Chiuta. Woko la Chiuta ndi Khristu, nkhumanya, Mazgu, nthoura wikani Icho mu mitima yinu usikuuno apo ise tikupanga pemphero la pamzere.

¹⁰¹ Ine nkugomezga Billy wanguperekaso makadi gha pemphero muhanyauno. B, ma B, tiyeni titore B, eyite-fayivi. Usiku wamala, ise tikaŵa na fifitini usiku wamala. Ise kenekanandi tikuyezga kutora pafupifupi fifitini usiku umoza. Ndipo nthoura torani makadi ghinu, ise tizamkughatora igho, sono. Tiyeni tiyezge panji fifitini. Eyite-fayivi. B, ngati Branham, imwe mukumanya. B, eyite-fayivi kufika handiredi. Ndipo

ise. . .Tiyeni tiwone, ndinjani wali na B, eyite-fayivi, kwezga muchanya woko lako. Iwe ukuneneska. . . O, uko kunyuma, viri makora, eyite-fayivi nyamukani.

¹⁰² Sono, mwana wane. . . Ntheura kuti panji mungaŵa ŵalendo muno, ŵangamanya chara umo ichi chikuchitikiranga. Mwana wane wakwiza kudera kuno, panji munyakhe; usange iyo watondeka kwiza, M'bale Borders, munthu munyakhe. Munthu munyakhe watizenge uko, ndipo wazamkutora makadi agha, handiredi gha igho, ndipo kuyimirira panthazi pa ŵanthu na kughasakanizga igho pamoza. Ntheura iyo wakamupasani imwe khadi, iyo wangamuphalirani chara imwe kuti imwe mwizenge ku gome, iyo wakumanya chara icho. Ndipo nanga ndine nkhumanya chara. Ine nkhwiza na usiku, mbwenu nkhusolorapo waka pafupifupi teni panji fifitini, chamudera mwenemumu, mu makadi. Ichi chilije kanthu kamoza kakuchita na machirisko ghinu. Imwe mungamanya kukhala waka apo. Wonani, usiku wajumpha. Kasi mbalinga ŵakaŵa muno usiku wajumpha, lekani tiliwone woko linu? Umo ŵanthu ŵakachizgikiranga waka nyengo yose yira ya msonkhano!

¹⁰³ Sono, ilo languŵa eyite-fayivi, eyite-siksi, eyite-seveni, eyite-eyiti, eyite-nayini, nayinte. Tiyeni tiŵe nawo iwo ŵakwiza sono. B, eyite-fayivi, eyite-siksi, eyite-seveni, eyite-eyiti, eyite-nayini, nayinte. Ilo lati liŵenge wanu. . . Nadidi, ise tikukhumba. . . Ndipo usange munyakhe wali. . . Apa pali munyakheso, enya, uyo wangamanya kukwanira makora. Nayinte, nayinte kuyakafika handiredi sono. Nayinte, nayinte-wanu, nayinte-thu, nayinte-firi, nayinte-foru, nayinte-fayivi, nayinte-siksi, nayinte-seveni, nayinte-eyiti, -nayini.

¹⁰⁴ Usange imwe mungayenda chara, usange imwe muli. . . Ine nkhuwona ise tiri na banja, mipando yitatu yakutchika muno sono, yinayi ya iyo, ine nkhugomezga, ine nkhumanya kuyiwona. Usange imwe muli na khadi lapemphero, ilo—ilo nambala yinu yachemeka, ndipo mungayenda chara, imwe kwezgani waka woko linu, ise tiwutchikirenge kumtunda kuno.

¹⁰⁵ Ndipo usange imwe mulije khadi lirilose lapemphero, khalani waka kwenekuko ndipo mupemphere, ndipo muyowoye, “Fumu Yesu, lekani—lekani—lekani ichi ndiŵe ine usikuuno.” Kasi mbalinga mkati muno awo ŵaliye khadi lapemphero, kwezgani muchanya woko linu. O, mwe! Viri makora, sono tiyeni tiyowoye waka ichi, ine nkhuwoneka ichi chikuwoneka chakunyoza chara. Kweni kukaŵa mwanakazi muchoko nyengo yimoza uyo wakaŵavye khadi lapemphero, ise tingayowoya ntheura. Iyo wakaluta kuphapatizganga mkati mwagulu, iyo wakati (sono tegherezgani mwatcheru), “Usange ine ningakhwaska chakuvwara cha Munthu yura, ine ndikhalenge makora.” Kasi mbalinga ŵakuyimanya nkhani iyi? Viri makora. Ndipo kasi iyo wakachita vichi? Iyo wakamukhwaska Iyo, ndipo wakaluta uko ndipo wakakhala pasi. Ndipo Yesu

wakang'anamuka, Iyo wakamanya apo iyo wakaŵa. Asi uwo mbunenesko? Iyo wakamanya ilo likaŵa suzgo lakhe. Asi uwo mbunenesko? Iyo wakamanya ilo likaŵa suzgo lakhe, nthaura Iyo wakamuphalira mwanakazi ilo likaŵa suzgo lakhe. Ndipo iyo wakapulika mu thupi lakhe kuti suzgo la kusulura ndopa likamara. Asi uwo mbunenesko? Chifukwa vichi? Iyo wakamukhwaska Iyo.

¹⁰⁶ Sono, kasi mbalinga Ŵakhristu muno usikuuno ŵakumanya icho, kwakulingana na Ŵahebere, Bukhu la Ŵahebere, kuti Yesu sono nthaura ndi Msofi Mukuru, Msofi Mukuru uyo wangakhwaskika na kapulikiro kakufoka kwithu? Kasi Iyo ndiyo? Viri makora, usange Iyo ndi Msofi Mukuru mweneyura, udindo wenewula, Msofi Mukuru, ipo Iyo nthena wakachita uli ichi? Iyo mbwenu wakati wachitenge mwakuyana waka nga ndiumo Iyo wakachitira kale. Kasi imwe mukugomezga icho? Iyo mbwenu wachitenge mwakuyana waka nga ndiumo Iyo wakachitira kale, usange imwe mungagomezga icho. Viri makora. Kasi mbalinga ŵakugomezga icho, kwezgani woko linu, yowoyani, "Ine nkhumomezga nadi ichi"?"

¹⁰⁷ Viri makora, pambere iwo ŵandapange mzere wa pemphero, tiyeni tiŵe na mzere wa pemphero kuwaro uko. Ine nkhumanya Iyo wali muno. Ine—ine—ine nkhuwupulika Uŵapo Wakhe, ndipo ine—ine nkhumanya Iyo wali muno. Zanginge. Mzere wa pemphero wanozgeka? Ine nthena nate nichemenge uko. Imwe mbwenu—mupemphere waka, laŵiskani waka kudera uko ndipo mupemphere, gomezgani waka.

¹⁰⁸ Dona muchoko wakhala muno wakulaŵiska nkhanira kwa ine, wakhala pafupi na dona uyo wavwara magalasi. Kasi imwe mukuchiwona chara icho chikulendera pachanya pa mwanakazi yura? Wonani kuno. Mukuwona? Iyo wakusuzgika na suzgo la mtima. Iwe ukugomezga kuti Chiuta wakuchizgenge iwe? Usange iwe ukugomezga, kwezga muchanya woko lako. Ilo ndilo languŵa suzgo lako. Uwo mbunenesko. Sono usange ilo ndilo languŵa suzgo lako, kwezga muchanya woko lako kuti ŵanthu wangamanya kuwona, kweza muchanya woko lako ngati nthaura. Sono, iwe ulije ili napachoko pose sono. Chipulikano chako changukupanga iwe wamusuma.

¹⁰⁹ Iyo ndi mweneyura mayiro, muhanyauno, na muyirayira. O, yiriko nthimbanizgo; kweni Yesu Khristu ndi mweneyura mayiro, muhanyauno, na muyirayira. Asi ichi... Sono imwe rutirirani waka kupemphera, wonani, imwe mukwenera kuti mwize kudera kuno chara, kuti imwe panji mungamanya.

¹¹⁰ Sono, mwanakazi uyu. Ngati ndiumo ine nkhumanyira, ine ndiri kumuwonapo chara iyo mu umoyo wane, iyo ndi mwanakazi waka wayimirira muno, ndipo wali na khadi la pemphero, ndipo wangumanya chara kwali iyo wachemekenge panji chara. Munthu munyakhe wangukupapa waka iwe khadi la

pemphero, ndipo iwe—nambala yako yanguchemeka, mbwenu iwe wiza waka kudera kuno. Asi mbunenesko uwo? Ndipo ine ndirije nthowa yakumanyira icho iwe uli, ndiwe njani iwe, uko iwe ukufumira, icho iwe ukukhumba, palije nachimoza za ichi. Ine ndine waka mwanarumi, ndipo iwe ndiwe mwanakazi. Uwo mbunenesko. Chithuzithuzi chantheura ichi chikiza nyengo yimoza mu Baibolo, Yohane Mutuŵa, chipatulo 4.

¹¹¹ Sono imwe mukuti, “Kasi ukachita vichi iwe, M’bale Branham, mbwenu penepapo, kanyengo kuchoko kajumphapo?” Mbwenu nkhalimbikira waka mu kachitiro kenekara, wonani. Ine nkhumanya chara, wonani. Iyo wakwenera kuti wachite ichi. Ine nkhumanya chara. Kasi vikayenda uli na mwanakazi yura kula? Ine ndiri kumuwonapo chara mwanakazi yura mu umoyo wane. Iyo ndi mlendo nadi kwa ine. Ine nkbugomezga iyo wakaŵa mwanakazi. Kasi ndi njani munthu uyo wanguchizgika mwasonosono kudera uko mu gulu? Kasi iwe...Enya. Ise ndise ŵalendo kwa yumoza na munyakhe. Usange uwo ndi unenesko, yendesani woko linu ngati *ntheura*. Mukuwona? Ine nkhamuwonapo chara mwanakazi. Kweni iyo wakakhala apo, mwachigomezgo. Sono, iyo wakakhwaska Chinyakhe, ndi ntheura chara? Ichi chingamuchitirani kanthu kaweme chara imwe kuti mundikhwaske ine.

¹¹² Kweni sono imwe mungawona chara kuti nadi Baibolo ndi Mazgu gheneko gha Chiuta? Iyo ndi mweneyura mayiro, muhanyauno, na muyiriyira. Ise tikuzgoka ŵakachisi ŵa Mzimu Mutuŵa ula uyo ndi Khristu. Mukuwona? Iyo ndiyo Mbewu yeneko. Ntheura usange Mzimu Mutuŵa weneko ula wanjira mu Mbewu yeneko ya Mazgu, ntha... Iyi ntha yitorengeko waka gawo la Ichi (chifukwa, dyabulosi wakugwiriska nthito Icho), imwe mukwenera kuti mutore chose Ichi, wonani, Lizgu lililose la Ichi; chifukwa Iyo ndi Chiuta hafu chara, Iyo ndi Chiuta wathunthu. Mukuwona? Ndipo icho ndicho chikuchitika.

¹¹³ Sono, apa pali mwanakazi, ine ndiri kumuwonapo chara iyo. Yesu wakasanga mwanakazi wangati uyu nyengo yimoza, panji mukaŵiro kakuyana chara, ine nkhumanya chara. Ndipo Iyo wakakhala pa chisime. Iyo—Iyo wakaŵa na khumbiro lakuti walute ku Samariya. Ndipo ise tikusanga kuti, Samariya wakaŵa musu mwa lupiri. Ndipo—ndipo Iyo wakalutanga ku Yeriko, mphanyiko, ndipo Iyo wakayendera kudera la Samariya, ndipo wakafika ku msumba wa Sukure. Ndipo Iyo wakakhala pasi pa chisime, ndipo wakatuma ŵasambiri Ŵakhe kuya kapenja vyakurya.

¹¹⁴ Kasi mitundu ya ŵanthu njiringa mu charu? Yitatu. Hamu, Shemu, na ŵanthu ŵa Jafeti. Ise tose tiri kufuma kwa Nowa. Ndipo charu chose chikaparanyika pa nyengo yira. Mitundu yitatu pera ya ŵanthu, awo Mbayuda, Ŵamitundu, na Ŵasamariya (awo ŵakaŵa hafu mu Yuda na waMitundu). Ndipo iyi ndiyo mitundu yose iyo yiri mu charu, wonani, yitatu pera.

115 Chirichose mwa Chiuta chikufiskika mu utatu. Ngati ndi aŵa wātatu ine ndayowoyanga za iwo usikuuno: masiteji ghatatu gha nthimbanizgo, masiteji ghatatu Mazgu kuzgoka thupi, na vinyakhe. Mukuwona?

116 Sono, ndipo Iyo—Iyo uyo wakayowoya ku Ŵayuda, wakamuphalira Filipu, para iyo wakiza na Nathaniyele, kuti uko iyo wakaŵa, ndipo wakati, “Ine nkhamuwona iyo apo iyo wakaŵa musi mwa khuni.” Iyo wakamuphalira... Andreyu wakiza na Petros, Iyo wakati, “Zina lako ndiwe Simon, ndipo iwe utichemekenge ‘Petros’ kufuma sono nakunthazi.” Wakati, “Iwe ndiwe mwana wa Jonas.” Mukuwona? Sono, awo wose ŵakaŵa Ŵayuda.

117 Kweni apa Iyo wakuluta ku wa Mitundu... wa Mitundu chara, kweni mu Samariya.

118 Sono ndi nyengo ya Ŵamitundu. Iyo wakachitapo chara icho ku Ŵamitundu nanga nkhamoza pera. Penjani mu Malemba. Mulije. Kweni Iyo wakalayizga, mwa Luka 22, kuti Iyo wazamkuchita ichi pambere Wandafike.

119 Kweni Iyo wakakhala pasi apo, ndipo apo nga wakwiza hafu Muyuda na Wamitundu, mwanakazi. Ndipo Iyo wakati kwa iyo, “Mwanakazi, nditorere maji Ine ndimwe.”

120 Iyo wakati, “Chifukwa, iwe nthu ukwenera kupempha icho, chomene nthaura. Ise tiri... Kuno kuli kusankhana mitundu. Iwe ndiwe Muyuda, ndipo—ndipo ine ndiri mu Samariya.”

121 Iyo wakati, “Kweni ukamumanyenge Uyo iwe ukuyowoyengaskana nayo, iwe mphanyi wangundipempha Ine maji ghakumwa.” Kasi Iyo wakachitanga vichi? Wakasandanga mzimu wakhe. Ntheura penepapo Iyo wakati wasanga ilo likaŵa suzgo lakhe, enya, Iyo wakamuphalira iyo kuti walute wakatore mufumu wakhe. Iyo wakati iyo wakaŵavye waliyose. Iyo wakati, “Uwo mbunenesko, iwe uli kuŵapo nawo ŵankhonde.”

122 Sono, wonani, para Ŵafarisi ŵakati ŵamuwona Iyo wakuchita icho. Enya, nthimbanizgo yira nkhanira pakati pa Mazgu, kasi iwo ŵakayowoya vichi? Iwo ŵakati, “Munthu uyu ndi Belezebule, muwukwi.” Mukuwona?

123 Ndipo Yesu wakati, “Uyoyose wazamuyowoya chantheura icho kwa Mzimu Mutuŵa para Uwu ukwiza na kuchita vinthu vyenevira, wazamkugowokereka chara.” Apo pali nthimbanizgo yinu. Mukuwona? Kweni Iyo wakati Iyo waŵagowokerenge iwo ndipera, chifukwa Mzimu Mutuŵa ukaŵa uchali undafike; Sembe, Mwanamberere wakaŵa wachali wandafwe.

124 Kweni ndipera mwanakazi wakaghanaghana nthaura chara. Mwanakazi wakati, “Bwana, ine nkhuwona kuti Imwe ndimwe muprofeti.” Iwo wakaŵa ŵandaŵepo na muprofeti kwa virimika mahandiredi. Wakati, “Ine nkhuwona kuti Imwe ndimwe

muprofeti. Sono, ise tikumanya kuti Mesiya, uyo wakuthyika Khristu, para Iyo wakwiza, ichi ndicho Iyo wazamuchita.”

¹²⁵ Enya, usange ichi ndicho Iyo wakachita, ipo Iyo ndi mweneyura mayiro, muhanyauno. Umo ndimo Iyo wakajimanyiskira Iyomwene ntheura, kasi ichi ndimo chiliri chara muhanyauno? Chikwenera kuwa ntheura! Sono, apa pali mwanakazi na mwanarumi wakukumanaso. Iyo ndi mwanakazi yura chara, ine ndine Mwanarumi yura chara. Kweni ndipouli Mzimu Mutuwa wenewula uli muno, ndipo ukapanga phangano kuti milimo iyo Iyo wakachita, ise tingamanya kuchita chinthu chantheura mu mazuwa agho Mwana wa munthu wazamkuvumbukwira.

¹²⁶ Sono, kwambura kukumanya iwe (ndipo iwe ukumanya uwo mbunenesko), ise tiri walendo nkhanira, ndipo iwe wayimirira apa. Kuliso wanyakhe. . . Panji chinthu chinyakhe chanangika kwa iwe, panji kulije kalikose, ine nkhumanya chara. Kweni usange Fumu Yesu yivumburenge kwa ine, na Mzimu Mutuwa Wakhe, ilo ndi suzgo lako, kasi iwe utigomezgenge ntheura kuti Uyu ndi Mwana wa Chiuta, ndipo munthu chara? Ichi ndi chakukhalamo waka, nyumba *iyi* iyo—iyo Chiuta wakugwiriska ntchito, waliyose uyo Iyo wasankha. Iyo—Iyo wakuchita icho na uchizi wayekha na chisola. Sono, kweni iwe gomezga. Iwe uchitenge? [Mwanakazi wakuti, “Amen.”—Munozgi.]

¹²⁷ Kasi mbalinga muno awo wagomezgenge ichi? Muno ise tose tayimirira nkhanira panthazi pa Kungweruka, kuti ise tiri kukumanapo chara mu umoyo uwu, nkhumanya chirichose chara kuti mwanakazi uyu ndinjani, icho iyo wali, uko iyo wakufumira, icho iyo wakukhumba. Ine ndiri kumuwonapo chara iyo mu umoyo wane, kuruska umo ine ndilijire kumuwonapo mwanakazi uyu kudera *uko* mu umoyo wane. Kweni, wonani, apa pali icho ine nkhuvezga kuti imwe muchite: khalani kutali na nthimbanizgo iyi sono, ndipo gomezgani Mazgu apo Mazgu ghakuzgoka thupi nkhanira pakati pithu. Mazgu ghakuzgoka ghamoyo mu mathupi githu, icho chikulongora uwapo wa Chiuta.

¹²⁸ Sono mphanyi Iyo wangupereka ichi kwa iyo. Iyo wali na khumbiro liweme. Iyo waliye mwana, iyo wakukhumba mwana. Iyo wali na virimika pafupifupi fote. Icho nadi ntchinonono chara.

¹²⁹ Iwo wakhalala kuwaro uko sono nthena, wanakazi awo waka wa vyumba umoyo wawo wose, ndipo wakiza ku gome ngati ntheura umu, ndipo Fumu yika wapa iwo wana. Wanyakhe wa imwe kwezgani muchanya woko linu uko imwe mukumanya. Mukuwona? Mukuwona? Ine nkhamyama msungwana muchoko wakutemweka zuwa linyakhe, pa Sabata, ine nkhati ndafuma kuno, pa Sabata kumuhanya; uyo amama wakhe waka wa chumba; Fumu yikayowoya. Ndipo msungwana

muchoko, mwana muchoko muweme, kasi walimo muno? Kasi iyo walinkhu? Enya. Uyo wali apa, nkhanira mwenemuno, wakhala mwenemuno pasi apo. Amama wakhala apa. Apa pali msungwana muchoko, ijomwene. Mwamuwona iyo? Iyo wakaŵa Mazgu ghakuyowoyeka kufuma kwa Chiuta.

¹³⁰ Sono, kasi imwe mungamugomezga Iyo na mtima winu wose? Kasi imwe mukugomezga kuti thumbiko lira ilo imwe muli nalo, ilo imwe mukulipulika mwa imwe sono, kwanguŵa kuzgora kwa Chiuta? Usange Chiuta wangandiphalira ine ilo ndi zina lako, ntheura iwe ungamanya kumuchema mwana, kasi iwe ugomezenge? Ntheura, Mrs. Thompson, imwe mungamanya kuluta kunyumba ndipo torani mwana winu, usange imwe mukugomezga ichi na mtima winu wose.

¹³¹ Kasi imwe mukugomezga na mtima winu wose? Imwe khalani waka na chipulikano, lekani kukayika, gomezgani waka Chiuta. Chiuta ndi Chiuta.

¹³² Kasi muli uli imwe, bwana? Ine nkhumanyira za ichi, ndi para ŵalendo, nateso. Nyengo yimoza pera apo ine nkhamuwonanipo mu umoyo wane, umo ine nkhumanyira za ichi, ndi para imwe mwizanga apo. Ndipo ine nangughanaghana kuti imwe mukaŵa asibweni ŵa M'bale Shakarian, panji uyu ndi... Mashagian, M'bale Mashagian, mwimbi, para imwe mwizanga kufupi. Ndipo ntheura ine nangumuwonani imwe mukuruta ku mzere wapemphero. Sono, pakuŵa mlendo na imwe, ndipo, panji kwa imwe, ndipo ine mlendo, chigaŵa chirichose. Sono, usange Fumu Yesu yindiphalirenge ine chinthu chinyakhe icho imwe—icho imwe muli, panji icho imwe mukukhumba, tiyeni tiyowoye waka kuti; kumuphalirani imwe vichi, kundiphalira ine icho imwe mukukhumba. Sono, Iyo wapereka kale ichi kwa imwe. Chinthu chimoza pera ntchakuti muŵe waka na chipulikano chakukwanira kuchigomezga ichi.

¹³³ Sono, kasi mbalinga ŵakuchipulikiska icho? Chipulikano chakukwanira kugomezga kuti imwe mwapokera icho imwe mwaromba! Mukuwona?

¹³⁴ Sono, sono, usange imwe muli muno mukukhumba chinthu chinyakhe, ndipo Iyo wangandiphalira ine icho ndi khumbo linu, ntheura imwe mutimanyenge ine nkhumanyira chara khumbo linu, ntheura ichi chikwenera kuŵa Chinyakhe muno icho chikuchita ichi. Sono, kwakulingana na Mazgu, Iyo wakalayizga kuzakachita icho. Iyo wakaghamanya maghanoghano ghawo mkati mu mitima yawo. Asi uwo mbunenesko? Viri makora.

¹³⁵ Iwe uli na khumbiro likuru chomene lakuti uchizgike. Chinthu chimoza, iwe ukusuzgika na mutu, kupweteka nadi mutu. Uwo mbunenesko. Chinthu chinyakhe, iwe uli na suzgo la msana, ndipo msana uwo wakhala ukukupweteka chomene nyengo yitaliko, iwe ŵakakupanga opereshoni pa uwu. Uyo ndi NTHEURA WAKUTI YEHOVA. Uwo ndi unenesko. Wonani.

Uwo mbunenesko. Ndipo apa pali chinthu chinyakhe, khumbo lako likuru, ndakuti, iwe ukukhumba kupokera ubapatizo wa Mzimu. Uwo mbunenesko nkhanira. Zanga kuno.

¹³⁶ Wakutemweka Chiuta, mu Zina la Yesu Khristu, mphanyi munthu uyu nthena wanguzuzgika na Mzimu Mutuwa, pambere iyo wandafumepo pa malo ghano, mu Zina la Yesu. Amen.

Sono pokera Uwu, m'bale wane. Khala waka na chipulikano, leka kukayika.

¹³⁷ Kasi imwe muli uli? Ine nkhumomezga, umo ine nkhumanyira, kuti ise tiri walendo kwa yumoza na munyakhe. Usange uwu ndi unenesko, chifukwa, kuti wanthu wamanye, kwezgani woko linu kuti wanthu wangamanya kuwona kuti ise tiri walendo. Ine nkhamuwonapo chara iyo mu umoyo wane, nkhumanya. Ndipo ine nkhusachizga iyo wali kundaniwonapo chara ine, pokhapokha uku kuka wa kuwaro mu gulu. Pakuti Wadada Wakuchanya wakumanya, ndipo apa pali Mazgu ghawo ghali apa, kuti ine ndiri kumuwonapo chara mwanakazi uyu, nadi, mu umoyo wane. Ipo, ine ningamanya chara icho imwe mwapukwa pano, nkhumanya chara kasi imwe ndimwe njani, vichi, panji na kalikose chara za imwe. Ine ningamuphalirani chara imwe chinthu chimoza.

¹³⁸ Chinthu chimoza, ichi ntchawanangwa waka. Usange ine ninga . . . Ngati ndiumo imwe mwangundipulikira ine nkhumongosora kanyengo kachoko kajumpha. Sendererani waka kufupi, pulikani icho Iyo wakuyowoya; icho ine nkhuwona, ine ningamanya kuchiyowoya ichi. Icho Iyo wakuyowoya chara, ine ningachiyowoya chara. Ine ningamanya kuchiyowoya ichi mwa inendekha, ndipo ichi chingamanya kuwa chiheni. Mukuwona? Ichi chingamanya kuwa chiheni. Kweni usange Iyo wachiyowoya ichi, ichi chikuwa unenesko nkhanira. Ichi chinga wa chara, ichi chinda wapo chiheni. Ichi chizamkuwapo chiheni chara malinga ichi chikukhalirira kuwa Chiuta. Mukuwona? Wonani, chifukwa Chiuta wanganangiska chara.

¹³⁹ Kweni usange Chiuta wangandiphalira ine icho imwe mukukhumba, ilo ndi khumbiro linu, panji—panji icho imwe mwapukwa pano, chinthu chinyakhe icho imwe mwachita, panji chinthu chinyakhe, chinthu chinyakhe ngati ichi, panji imwe ndimwe njani, uko imwe mukufuma, panji chirichose icho Iyo wakukhumba kundiphalira ine, imwe mungamanya kugomezga? Nkhumuwongani imwe.

¹⁴⁰ Chinthu chimoza, iwe uli na suzgo na marundi ghako. Marundi ghako ghakukusuzga iwe. [Mwanakazi wakuti, “Enya.”—Munozgi.] Uwu mbunenesko. Kwezga lako. . . Iwe uli na suzgo la chanakazi, kutangwanika kwa wanakazi, [“Enya.”] Ndipo iwe uli na khumbiro likuru mu mtima wako, chifukwa iwe wataya waka munthu munyakhe, panji chinthu chinyakhe. Ndi msepuka, ndipo msepuka wako wafumapo pa nyumba,

wachimbira, ndipo iwe ukukhumba ine kuti ndipemphere kuti iyo wawerere. [“Enya.”]

¹⁴¹ Chiuta wa Kuchanya, tumani mwana wakhe kwa iyo, na machirisko. Rekani Mzimu Mutuwa wumuyimike msepuka muchoko uyu pa msewu usikuuno, mutumani iyo wawerere kwa mama wakhe. Mu Zina la Yesu. Amen.

¹⁴² Iyo Mweneuyo wakumanya wamutumenge iyo kuwerera kwa iwe. Leka kudandaula. Gomezga sono, leka kukayika. Khala waka na chipulikano, mtima wako wose. Iwe gomezga, ndipo Chiuta waperekenge vinyakhe vyose.

¹⁴³ Sono, kusanda kwekha uko kutatu panji kunayi, kwali ndi chinthu uli, wonani, ine—ine nkhalutirira waka mpaka ichi chikundifokeska ine. Ine ningachilongosora chara icho, palije nthowa ya kuchirongosorera ichi. Imwe mukuti, “Imwe mukung’anamura, kuti icho changuwa chakufokeska nthoura kuruska umo imwe mwangupharazgira kula pa maminiti fote-fayivi panji kusazgirapo, imwe mukughanaghana nthoura?” Enya, bwana. Usange ichi chikatora maora ghatatu, ichi nthena chikafika kose uko chara.

¹⁴⁴ Mwanakazi wakakhwaska chakuvwara cha Fumu yithu Yesu. Ndipo wanthu awa wakukhwaska ine chara. Chifukwa, mwanakazi uyu apa, lawiskani waka kuno, iyo nthena waka. . . [M’bale Branham wakuphalira mwanakazi, “Wika mawoko ghako pa ine, wonani.”—Munozgi.] Iyo wakandikhwaska waka ine palipose, nthena chikachita kanthu kalikose chara, ine ndine waka munthu. Kweni iyo wakwenera kumukhwaska Iyo. Ndipo ine, na chawanangwa, mbwenu—mbwenu. . . ichi chikuluta waka, vyose vya ine vikumara, ndipo ine nkhuwwoya waka icho ine nkhuwona. Mukuwona? Ndipo mbwenu kwamara. Wonani, kukhwaska ine kukung’anamura kanthu kalikose chara, kweni iyo wakukhwaska Yesu kwizira mwa ine. Umo ndimo mwanakazi yura wakakhwaskira Chiuta kwizira mwa Yesu, apo Iyo wakamanya chara ilo lika wa suzgo na iyo. Iyo wakakhwaska waka chakuvwara Chakhe, wakaluta ndipo wakakhala pasi. Ndipo Iyo wakati—ndipo Iyo wakati, “Ndinjani wandikhwaska Ine?”

¹⁴⁵ Ndipo wapostole wakati, “Chifukwa, waliyose wakumukhwaskani Imwe. Ntchifukwa uli Imwe mukuyowoya nthoura?”

Iyo wakati, “Kweni Ine nkhuwona kuti kazirwiro kafumamo mwa Ine.”

¹⁴⁶ Sono, imwe mukumanya kasi kazirwiro ntchichi? Nkhongono. Iyo wakafoka pa kukhwaskika Iyo na mwanakazi yumoza, ndipo Iyo waka wa Mwana wa Chiuta. Kuli uli na ine, wakwananga wakuponoskeka na uchizi Wakhe. Imwe mukumanya chifukwa icho chikufokeskera nthoura? Chifukwa Iyo wakati, “Vinthu ivi ivyo Ine nkhuuchita, imwe

namweso muzamuchita nthaura. Vinandi kuruska ivi imwe muzamkuchita, pakuti Ine nkhluta ku Wadada Wane.” “Vikuru,” Ilo likayowoya apo, kweni kutanthauzira kweneko mu Giriki ndi, “Vinandi kuruska ivi imwe muzamkuchita.”

¹⁴⁷ Sono, dona ili nkhumanya chara ine. Ine nkhumanya chirichose chara za iyo. Iyo ndi mlendo nkhanira kwa ine ngati ndiumo wanthu wanyakhe wakaŵira. Ise tiri walendo kwa yumoza na munyakhe. Mwakuti wanthu wamanye waka za ichi, iwe ungamanya kukwezga woko lako, yowoya, “ise ndise walendo.” Sono, Mwana wa Chiuta, usange Iyo nyengo yimoza wakakumana na mwanakazi mu kawonekero kachoko kantheura aka, pafupi na chisime, ndipo Iyo wakayowoya kwa iyo kwa kanyengo, ndipo Iyo wakamanya apo suzgo lakhe likaŵa, ndipo Iyo wakamuphalira iyo ilo likaŵa suzgo lakhe. Ndipo nthaura iyo wakamanya na chenechira kuti, yura wakaŵa Mesiya. Sono, pakuti—pakuti ine nda . . . Iwe wandikhwaska ine, ine nakukhwaska iwe, ndipo palije chachitika. Kweni usange chipulikano chane (kwizira mu chawanangwa) na chipulikano chako (pakuchita kugomezga mwa ichi) ungamukhwaska Iyo, ndipo Iyo wangamanya kuyowoya kwizira mwa ise kuti . . . kwizira mwa ine kuluta kwa iwe, nthaura iwe utimanyenge kuti Iyo wali muno ngati ndiumo Iyo wakaŵira pa—pa chisime chira ku Sukure. Mukuwona? Iyo ndi mweneyura mayiro, muhanyauno, na muyirayira. Imwe mukugomezga icho?

¹⁴⁸ Iwe uli na masuzgo ghanandi chomene, vyakupweteka vinandi chomene, vyakukutimbanizga! Chimoza cha vinthu vikuru icho iwe ukukhumba kuti upemphererekere ndi kuphwanywa kwa marundi. Uwo mbunenesko. Mbunenesko uwo? Iwe ukuwuma na kuphwanywa kwa marundi. Para iwe ukuwona ukwezga woko lako . . .

¹⁴⁹ Ndipo iwe wanguyenda kuwaro uko pachokopachoko nthaura, mukukumbukira kwane kuweme chomene. Panji iwe ulindizgepo waka kwa miniti pera, panji chinthu chinyakhe chingamanya kuyowoyeka icho chizamkutora . . . Panji, iwe ukumanya, iwe ukuvipulika vinthu; wanthu, ukumanya iwe, ngati mvuchi kututuzga Ichi. Iwo wakuti, “Chifukwa, iyo wakasachizga chira,” panji, ukumanya iwe, ngati nthaura.

¹⁵⁰ Kweni, iwe ukuwoneka kuti ndiwe munthu muweme, yowoya waka kwa ine kwa kanyengo kachoko. Tiye tiyimirire apa kwa nyengo yichoko waka, chifukwa ine nkughanaghana kuti pali chinthu chinyakhe icho chiri mu mtima wako icho iwe ukukhumba kwa Chiuta. Sono, ine ningazgora chara pemphero lako, kweni Iyo wangamanya ku . . . Chifukwa, usange iwe ukugomezga ichi, ichi chazgoreka kale. Kweni usange iwe ukukhumba waka kugomezga; kukupanga iwe kuti ugomezge. Sono, ine nkhekuphalira iwe, ichi chikukhwaskana na yumoza wakutemweka uyo wali pano chara, ndipo uyo ndi m’dumbu, ndipo m’dumbu uyo kuti wali mu charu ichi chara. Iyo wali

mu charu chamtika, nyanja zinandi chomene. Ine ningayowoya kuti ngati kunyakhe ku Michigani panji kunyakhe. . . Enya, ndi Michigani uko ichi chiri. Ndipo iyo wakusuzgika na nthenda yakukoma, ndipo ilo ndi suzgo lambula kuchizgika la ziso ilo iyo wakusuzgika nalo. Uwo mbunenesko, ndi nthaura chara? Uyu ndi NTHEURA WAKUTI YEHOVA. Sono, kathaulo ako iwe uli nako mu woko lako, ako iwe wangukwezgera kwa Chiuta, ukatumizge iko kwa m'dumbu wako ndipo umuphalire iyo kuti waleke kukayika, kweni wagomezge, ndipo mbwenu kwamala, iyo wachizgikenge sono usange iwe ukugomezga ichi.

¹⁵¹ Iwe ukugomezga na mtima wako wose? Wonani, nthaura, usange iwe ukugomezga, pali chinthu chimoza chakuti uchite, icho ndi, nadidi uchizomere ichi. Asi uwo mbunenesko?

¹⁵² Sono imwe mukuti, “Iyo wakulaŵiska pa icho, ŵanthu ŵara. Icho ndicho iyo wakuchita, kulaŵiskanga kwa iwo.” Imwe mukuwona vikuru nthaura!

¹⁵³ Kweni kuti imwe muleke kuchimanya ichi. . . Dona uyu pano, zanga kuno kudera u-uku, dona, kuno, murwari, kwali iwe ndiwe njani. Ine nkhulaŵiska kwa iyo chara. Kasi iwe ukugomezga kuti Chiuta wangamanya kuvumbura kwa ine ilo ndi suzgo lako? Kwezga mawoko ghako, usange iwe ukugomezga, dona uyu apa, dona uyu apa, murwari. Enya. Enya. Viri makora, nthaura usange iwe ugomezgenge icho na mtima wako wose, suzgo la asima ilo lizamkukusuzgaso chara iwe. Viri makora, rutanga kunyumba ndipo gomezga ichi! . . . ? . . .

¹⁵⁴ Ntha yikarazga kwa iyo, yikachita ichi? Wonani, Iyo. . . Iwe ukulaŵiska kudera *uku*, mboniwoni yiripo ndipera kwali kuchitike chivichi. Amen! Kasi imwe mukuchiwona chara ichi? Mwakufikapo waka ngati ndiumo Chiuta waliri wakufikapo!

¹⁵⁵ Iwe ukugomezga, naweso? Asima yingamanya kukuleka iwe, yingachita chara ichi? Iwe ukugomezga iyi yingakuleka? Viri makora, ruta ukamuphalire Fumu Yesu kuti iwe—iwe ukumugomezga Iyo.

¹⁵⁶ Zuŵa linyakhe iwe ukachitanga kunyamula e—e ndodo yichoko pafupi usange kuwuma marundi kula kwafika pa iwe, kweni uku kuzamuwerezgaso chara kuchita ichi. Iwe ntha, iwe ukugomezga chara ichi chingachitika, ukugomezga iwe? Iwe ukugomezga kuti iwe uzamkukhala makora? Rutanga ku nthowa yakwako, ndipo Yesu Khristu wakukupanga iwe wamusuma.

¹⁵⁷ Suzgo la mtima likukoma ŵanthu, kweni ili lingakukomanga chara iwe. Iwe ukugomezga kuti Chiuta wakuchizgirenge ili kwa iwe, na kukupanga iwe makora? Rutanga gomezga ichi na mtima wako wose, yowoya, “Ine nkhubomezga nadi ichi.”

¹⁵⁸ Iwe ukuyowoya Chingerezi? Iwe ukupulika Chingerezi? [M'bale Branham wakuti, “Munthu munyakhe wafike.” Wakutanthauzira wakwiza—Munozgi.] Enya, viri makora.

Kasi iwe ungayowoya kwa iyo icho ine nkhumuphalira iyo? Umuphalire iyo usange iyo wagomezgenge, suzgo la munthumbo limarenge. Iyo—iyo wagomezgenge ichi? Suzgo lako la msana limarenge, naloso, ntheura sono ungamanya kuluta nthowa yakwako ndipo uwe wakuchizgika.

Kasi imwe muli uli? Iwe ukugomezga? [Iyo wakuti, “Enya, bwana.”—Munozgi.]

¹⁵⁹ Mwanarumi uyo wakhala apo na suzgo la msana, kulaŵiskanga kwa ine para ine nkhati ndayowoya ntheura. Iyo wangamanya kuchizgika, nayoso, usange iwe ukugomezga ichi, bwana. Viri makora, bwana.

¹⁶⁰ Dona lakhala pafupi nkhanira na iwe apo, iwe uli na suzgo ya singo, asi ntheura iwe, dona? Iwe ukugomezga kuti Chiuta wakuchizga iwe? Iwe ukukhumba kuŵika mawoko pa msepuka muchoko chifukwa cha makongono ghakhe, ndipo iyo wakhalenge makora, nayoso. Kasi iwe ukugomezga ichi? Iwe ukaŵa na suzgo la ŵanakazi, suzgo la chanakazi, iwe ulije ili sono. Chipulikano chako chikakuchizga iwe ndipo chakupanga iwe wamusuma.

¹⁶¹ Kasi imwe mukugomezga Yesu Khristu, mweneyura mayiro, muhanyauno, na muyirayira? Ntheura tiyeni tiŵike mawoko ghitu pa yumoza na munyakhe ndipo tipemphere pemphero ili la chipulikano, waliyose wa ise, pempherani pemphero ili la chipulikano.

¹⁶² Wakutemweka Chiuta, apo ise tiri ŵakuphimbika nkhanira mu Uŵapo Winu Wauzimu, kumuwonani Imwe mukuyenda mkati mwa gulu, kuchizganga ŵarwari kosekose. Imwe ndimwe Chiuta. Ine nkhuromba kuti Imwe muchiriskenge gulu lose ili. Zomerezgani Mvuchi wa Chiuta wizeso mu mitima yawo, ndipo zomerezgani iwo ŵamanye kuti nyengo yikumara. Ise tiri na nyengo yichoko waka yakukhalira pano, ntheura ise tamukhala na Iyo Uyo ise tikumutemwa. Ndipo mphanyi sono Uŵapo Wakhe wize na machirisko ku waliyose.

¹⁶³ Ise tikumususka Satana, ise tikususka mauchitiro ghakhe ghose. Mu Zina la Yesu Khristu, Satana, wukamo mu ŵanthu.

¹⁶⁴ Mose imwe mumugomezgenge Iyo sono, na kuzomera machirisko ghinu, yimirirani pa marundi ghinu ndipo yowoyani, “Ine sono nkhuymirira kuti nkhozomera machirisko ghane. Ine nkhuomezga ichi.” Kwambura kupwererako kaŵiro kinu, usange imwe mukugomezga nadi ichi, yimirirani pa marundi ghinu. Sono kwezgani mawoko ghinu, ndipo yowoyani, “Nkhumuwongani imwe, Fumu Yesu, chifukwa chakundichizga ine.” Chiuta wakhale namwe.



MBEWU YA NTHIMBANIZGO CTK65-0118
(The Seed Of Discrepancy)

Uthenga uwu wakupharazgika na M'bale William Marrion Branham, pakudanga ukaperekeka mu Chingerezi pa Mande kumise, Janyuwale 18, 1965, ku wa Full Gospel Business Men's Fellowship International pa Hotela ya Westward Ho ku Phoenix, Arizona, U.S.A., ndipo uli kutoreka kufuma ku tepi ya magineti yakujambulika ndipo walembeke kwambura kusinthika mu Chingerezi. Kutanthauzira uku kwa Chitumbuka kukalembeke na kugawika na wa Voice Of God Recordings.

CHITUMBUKA

©2015 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. BOX 51453, LIMBE, MALAWI

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Chimanyisko chakukopera

Wanangwa wose ngwakuwikiririka. Buku ili lingamanya kudindika pa chakudindira cha kunyumba kuwa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili ntha lingaguriskika, kupangikaso mu unandi, kutumizgika pa website, kusungika umu tingazakalisangiraso, kutanthauzika mu viyowoyero vinyakhe, panji kuligwiriska ntchito pa kupempheskera ndalama kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org